



婦人良方

二

特 別
79
231
2





門 抄 9
番 231
卷 2

大醫院補註婦人良方大全卷之四

○婦人血風肢體骨節疼痛方論第一

婦人血風躄氣血不足腠理不密風冷乘之以致邪正相搏故骨節疼痛肢體發熱口舌咽乾

愚按東垣先生云飲食失節脾胃虛弱乃血所生病故口中津液不行若火熱來乘土位故肢體發熱作渴若肝經血熱用四物羌活黃芩黃柏肝經血虛用逍遙散山梔川芎風濕兼痰用四物南星半夏羌活蒼朮風濕傷脾用羌活勝濕湯暑濕傷氣用清燥湯氣鬱肝脾用四君木香枳殼檳榔胃氣受傷用補中益氣湯瘀血流注用四物桃仁紅花骨痛筋牽用當歸沒藥倦怠無力用補中益氣羌活川芎



丁補精入良方 四卷

附治驗

一婦人自汗盜汗發熱暈熱體倦少食月經不調吐痰甚多二年後
 遍身作痛陰雨益甚此氣虛而風寒所乘用小續命湯疼痛頓止
 用補中益氣加味歸脾三十餘劑諸症悉愈

一婦人月經不調且素有痛風遇勞必作作用衆手重按痛消止此氣
 血俱虛用十全大補加獨活而痛痊用六味丸逍遙散而經調

一婦人肢體作痛面色痿黃時或赤白發熱惡寒吐瀉食少腹痛
 脹月經不時或如崩漏或痰盛喘嗽頭目眩痛或五心煩熱口渴
 飲湯或健忘驚悸盜汗無寐等症臥床年許悉屬肝脾虧損氣血
 不足所致用十全大補加味歸脾兼服日餘諸症悉痊

○苦窮散

川芎錢一

赤茯苓

赤芍藥

酸棗仁炒

桂心

當歸酒洗

木香

牛膝酒洗

羌活

枳殼炒

甘草各三分

右水煎服

○羚羊角散

治血氣身體疼痛手足無力

羚羊角鎊

酸棗仁炒

生地黄

檳榔各一兩

五加皮

防風

赤芍藥

當歸酒洗

骨碎補炒

海桐皮

川芎各五錢

甘草三錢

右爲末每服二錢溫酒調下

○通靈丸

治血風手足疼痛不可忍者

白附子

僵蠶各一兩炒去絲

全蝎半兩炒

麝香一字

右爲末煉蜜丸桐子大每服十丸溫酒下日二服

○當歸沒藥丸

治血風肢體刺痛筋挛骨痺或手足麻木

當歸

五靈脂各一兩

沒藥半兩

右為末醋糊丸桐子大每服三十九薑湯下

○虎骨散 治血風走痛或打撲作痛

虎骨酥炙

敗龜板炙

當歸酒洗

桂心

牛膝酒洗

漏蘆

地龍去土

葳靈仙

玄胡索炒

自然銅製等分

右為末每服二錢熱酒調下

附方

○羌活勝濕湯 治頭痛脊痛腰似折項似拔

羌活

獨活各一錢

藁本

防風

甘草炙

蔓荊子

川芎各二分

右水煎服如身重腰沉沉然是濕熱也加黃柏一錢附子半錢

木二錢

○東垣清燥湯 方見後

○四物湯 ○補中益氣湯 ○四君子湯三方見二十四卷第六論

○小續命湯 方見十九卷第八論

○逍遙散 ○加味歸脾湯 ○十全大補湯三方見二十四卷第四論

○六味丸 方見二十四卷第十一論

○婦人血風白虎歷節走疰方論第二

婦人血風白虎歷節蹉體虛風邪乘之隨血而行或淫溢皮膚或卒然掣痛走疰如虎鬪者加減小續命湯主之

愚按東垣云若人身體沉重走疰疼痛此濕熱相搏或風熱鬱而不得伸附着於有形也是症多因飲食起居失節或因七情勞役

言不效人曰方
四卷
三
失宜脾胃虧損腠理不密外邪所侵以致內熱晡熱自汗盜汗或
經候不調飲食不甘治法濕熱腫痛者清燥湯兼痰佐以二陳湯
肝火作痛者加味逍遙散脾鬱作痛者加味歸脾湯血虛作痛者
四物湯氣虛作痛者四君子湯氣血俱虛者八珍湯俱加羌活川
芎月經先期而痛者加味逍遙散頭眩倦怠而痛者補中益氣湯
大抵按之痛甚者病氣實按之痛緩者元氣虛勞役而痛者亦元
氣虛也飲食失宜而痛者脾氣虛也惱怒而痛者肝火盛也若晝
輕而夜重者血分病也 與前兼用

附治驗

一作洪

一婦人歷節發熱作渴飲食少思月經過期其脈舉之法大按之微
細用附子八物四劑而痛止用加味逍遙而元氣復用六味丸而

月經調

一婦人體肥時素有熱月經先期患痛風下體微腫痛甚則小便頻
數身重脈緩此風濕血虛而有熱用羌活勝濕湯二劑腫痛漸愈
用清燥湯數劑小便漸清用加味逍遙散內熱漸愈又爲飲食停
滯發熱仍痛面目浮腫用六君加柴胡升麻而愈又因怒氣小腹
痞悶寒熱嘔吐用前藥加山梔木香而安惟小腹下墜似欲去後
此脾氣下陷用補中益氣而愈後因勞役怒氣作嘔吐痰遍身腫
痛經行寒熱此肝木侮脾土用六君加柴胡山梔腫痛嘔吐悉退
後用補中益氣而安

一婦人飲食少思畏風寒患痛風嘔吐寒熱脈弦緊用附子八物而
四肢痛愈用獨活寄生而腰痛漸痊惟兩膝腫痛用大防風湯而

痛漸愈用歸脾逍遙而元氣復

○漏蘆散 治走疰疼痛

漏蘆

當歸酒洗

牛膝各三錢

桂心

地龍去土

防風

羌活

白芷

沒藥

甜瓜子各半兩

虎脛骨

敗龜板各酥炙一兩

●右為末每服二錢熱酒調下

○四生丸 治骨節作痛或渾身麻痺

白殭蠶炒去絲

地龍去土

白附子

五靈脂

草烏

去皮尖各等分

右為末米糊丸桐子大每服二十九茶清送下酒調服亦可

○麝香丸 治歷節諸風走痛或如蟲行

大川烏

二箇去皮尖生用

全蝎二十箇

黑豆二錢

地龍去土五錢

麝香一字

右為末米糊丸菉豆大每服十九溫酒下○許學士云予得此方

凡歷節及不測疼痛一二服便瘥治一貴婦遍身走痛夜如蟲嚙

三服而愈

○附子八物湯 治歷節痛如鑊銀

附子炮

乾薑炮

芍藥炒

茯苓

人參

甘草

桂心各五分

白朮一錢五分

右水煎服一方去桂用熟地黃二錢

○獨活寄生湯 方見後 ○小續命湯 方見後

一婦人兩踝作痛上行膝髀肩肘痛如鑊銀至夜尤劇六脉皆緊一劑而愈又鄧安人夏月患心人迎脉虛此因暑而得用酒蒸黃連

丸一服亦安

附方

○東垣清燥湯

治元氣虛濕熱乘之遍身痠軟或肺金受邪絕寒

水生化之源腎無所養小便赤少大便不調腿腰痠軟或口乾作渴體重麻木頭目眩暈飲食少思或自汗盜汗肢體倦怠胸滿氣

黃芪一錢五分

五味子九粒

黃連炒

神麩炒

猪苓

柴胡

甘草炒各二分

蒼朮

白朮炒

麥門冬去心

陳皮炒

生地黄

澤瀉各五分

白茯苓

人參

當歸酒洗

升麻各三分

黃柏酒拌一分

●右水煎服

○二陳湯

方見二十四卷第五論

○八珍湯

○加味逍遙散

○加味歸脾湯

三方見二十四卷第四論

○四物湯

○四君子湯

○六君子湯

○補中益氣湯

四方見二十四卷第六論

○六味丸

方見二十四卷第十一論

○羌活勝濕湯

方見前

○大防風湯

方見二十四卷第九論

○婦人血風癭癧瘙痒方論第三

婦人瘙痒癭疹五心煩熱乃血風攻注用人參荆芥散消風散逍遙散大抵因體虛風寒相搏赤屬血分而白屬氣分也經云汗出見濕乃生瘰癧凡人汗出不可露臥沐浴使人身振寒熱致生風癭也

愚按前症有身發疙痞或如丹毒痒痛不常或膿水淋漓發熱煩渴或頭目昏眩日晡益甚或寒熱發熱月經不調皆肝經風熱血燥用加味逍遙散為主佐以四君芩歸若忿怒身發疙痞痛痒寒熱乃肝火血燥用加味小柴胡湯氣血俱虛八珍加柴胡丹皮若

夜間發熱作渴譫語乃熱入血室用小柴胡加生地血虛四物合
小柴胡後用加味逍遙散調理若鬱結食少體倦內熱晡熱乃脾
經血燥用加味歸脾湯寒熱加山梔熟地若遊走瘙痒乃血風走
注用何首烏散血虛逍遙散風熱消風散若專用風藥復傷陰血
必致筋攣等症

附治驗

一婦人身發疙瘩或生丹毒痒痛不常搔碎成瘡膿水淋漓發熱煩
渴頭目眩暈日晡益甚此血虛內熱之症以當歸飲加柴胡山梔
治之而愈

一婦人患前症肢體疼痛頭目不清自汗盜汗月水不調肚腹作痛
食少倦怠先用人參荊芥散後用逍遙散治之而痊

一婦人因忿怒身發疙瘩憎寒發熱余謂肝火用小柴胡湯加山梔
黃連治之而愈後口苦脇痛小便淋漓復用前藥全愈

一婦人患前症發熱夜間譫語此血分有熱以小柴胡湯加生地治
之而安後用四物湯加柴胡山梔丹皮而熱退又用逍遙散全愈
一室女十四歲天癸未至身發赤斑痒痛左關脉弦數此因肝火血
熱以小柴胡湯加山梔生地丹皮治之而愈若因怒而致者亦宜

治以前藥治驗餘見二十四卷血風門

○何首烏散 治皮膚瘙痒遊走無定

何首烏

防風

白蒺藜炒

枳殼炒

天麻

僵蠶

胡麻炒

芫薺子

蔓荊子

各一錢

茵陳

五分

右水煎服

附方

○四物湯 二方見二十四卷第六論

○加味小柴胡湯 二方見二十四卷第二論

○八珍湯 二方見二十四卷第四論

○消風散 方見二十四卷第七論

○人參荊芥散 方見五卷第三論

○婦人虛風頭目眩暈方論第四

婦人頭眩眩氣虛風入於腦循脈引於目系目系急而然也邪甚則必癩素問云頭痛癩疾下虛上實過在足少陰巨陽甚則入腎狗蒙招搖目瞑耳聾下實上虛過在足少陽厥陰甚則在肝下虛者腎虛

也故腎厥則頭痛上虛者肝虛也故肝虛則暈狗蒙者如以物蒙其首招搖不定目眩耳聾皆暈之狀故肝厥頭痛不同也

愚按丹溪先生云眩者言其黑運旋轉其狀目閉眼昏身轉耳聾如立舟船之上起則欲倒蓋虛極乘寒得之亦不可一途而取軌也若風則有汗寒則掣痛暑則熱悶濕則重滯此四氣乘虛而眩運也若鬱結生痰而眩暈者此七情虛火上逆也若淫慾過度而眩暈者此腎虛氣不歸源也若吐衄漏崩而眩暈此肝虛不能攝血也有早起眩暈須臾自定者元氣虛也正元飲下黑錫丹傷濕頭運用腎着湯加川芎有痰用青州白丸子頭風風熱也久則目昏偏頭風相火也久則目緊便澁皆宜出血以開表之竊謂前症肝虛頭暈用釣藤散腎虛頭暈六味丸頭暈吐痰養正丹不應八

味丸血虛四物參苓白朮不應當歸補血湯氣虛四君歸芪不應
益氣湯肝木實瀉青丸虛用地黃丸不應川芎散脾氣虛二陳參
朮柴胡升麻不應益氣湯加茯苓半夏脾胃有痰半夏白朮天麻
湯風痰上壅四神散發熱惡寒八物湯七情氣逆四七湯傷濕而
暈除濕湯

附治驗

一婦人素頭暈不時而作月經遲而少此中氣虛弱不能上升而頭
暈不能下化而經少用補中益氣湯而愈後因勞仆地月經如湧
此勞傷火動用前湯加五味子一劑而愈前症雖云氣無所附實
因脾氣虧損耳

一婦人內熱口乾勞則頭暈吐痰帶下詳見六卷第十六論

○養正丹 治虛風頭眩吐涎不已蓋此藥升降陰陽補接真氣
止頭眩而已

黑鉛

水銀

硫黃

硃砂

各一兩研

右用砂器鎔鉛下水銀攪勻離火少時入硃砂再攪候冷為末飯
丸棗豆大每服三十九丸空心食前棗湯下

○釣藤散 治肝厥頭暈

釣藤釣

陳皮

半夏

麥門冬

茯苓

茯苓

人參

甘菊花

防風

甘草

石膏

煨二錢

●右薑水煎

○川芎散 治肝腎虛風頭目眩暈或頭痛耳鳴目系緊急

小川芎

山藥

白茯苓

甘菊花

野菊不用

人參

各半兩

山茱萸肉一兩 ●右為末每服二錢酒調日三服

○三五七散 治八風五痺肢體不仁或風寒入腦頭痛目旋耳內

附子炮 細辛各三兩 山茱萸 乾薑炮各五兩 防風 山藥炒各七兩

右為末每服二錢温酒調

○四神散 治血風眩暈頭痛寒熱唾痰

菊花 當歸酒洗 旋復花去梗 荆芥穗各一錢

右葱白三寸茶末一錢水煎

附方 治血風頭旋或不知人事用鳴起草嫩心陰乾為末酒服

二錢其功甚効即前蒼耳散

治頭旋如天動地轉各日心眩膽礬一兩細研用麵餅劑一箇拌勻

勒如散子大瓦上焙乾每服一散為末灯心竹茹煎湯調下此去

煎之法當審而用之

附方

○正元飲 治下元虛敗痰氣上湧頭目眩暈臟腑滑泄時或自汗

手足逆冷霍亂轉筋等症

紅豆炒二錢 人參去蘆二兩 附子炮去皮 茯苓 甘草炙各一兩

肉桂錢五 川芎 山藥姜汁 烏藥 乾葛各一兩

白朮二兩 乾薑炮三錢 黃芪炙兩半

右每服三錢薑棗水入鹽少許煎送黑錫丹

○黑錫丹 治真陽虛敗痰氣壅塞心火炎熾或赤白帶下等症

肉桂 沉香 附子炮去皮 葫蘆巴酒浸

破故紙炒 茴香炒 肉苳蔻麩裹 陽起石研水

金鈴子

蒸去皮核 木香 各一兩

硫黃

黑錫 去灰各二兩

右將黑錫硫黃入銚內煉結砂子傾出地上去火毒研細餘藥爲末和勻再研至黑光色酒糊丸桐子大陰乾入布袋擦令光潤每服四十九丸

○腎着湯 方見十五卷第八論

○青州白丸子 方見三卷第四論

○六味丸 ○八味丸 二方見二十四卷第十一論

○當歸補血湯 方見十九卷第六論

○四物湯 ○四君子湯 補中益氣湯 三方見二十四卷第六論

○三陳湯 方見二十四卷第五論 ○瀉青丸 方見二十四卷第三論

○八物湯 方見二十四卷第四論 ○四七湯 方見十二卷第七論

○除濕湯 即腎着湯加川芎 ○半夏白朮天麻湯 方見四卷第五論

○婦人血風頭痛方論第五

許學士云婦人患頭風者十居其半每發必掉眩如在車船之上蓋因肝經血虛而風邪襲之爾用川芎當歸散若頭痛連齒時發時止連年不已此風中腦謂之厥逆頭痛宜白附子散及灸曲鬢穴在耳掩前正尖上灸七壯左痛灸左右痛灸右

愚按東垣云足太陽頭痛脉浮緊惡風寒川芎羌活獨活麻黃爲主手少陽經頭痛脉弦細往來寒熱柴胡爲主足陽明頭痛身熱甘疼鼻乾惡寒發熱脉浮緩而長升麻湯或石膏白芷爲主手太陽頭痛有痰體重或腹痛爲痰癖脉沉緩蒼朮半夏南星爲主足少陰經頭痛足寒氣逆爲寒厥脉沉細麻黃附子細辛湯爲主足厥陰頭項痛或吐涎沫厥冷脉浮緩吳茱萸湯主之諸血虛頭痛

當歸川芎為主諸氣虛頭痛人參黃芪為主氣血俱虛頭痛調中益氣少加川芎蔓荊細辛痰厥頭痛半夏白朮天麻湯厥逆頭痛羌活附子湯如濕氣在頭者以苦吐之不可執方而治若脉雜亂而病見不一且補胃為主

附治驗

一婦人因勞耳鳴頭痛體倦用補中益氣加麥門五味而痊三年後得子因飲食勞倦前症益甚月經不調晡熱內熱自汗盜汗用大味地黃丸補中益氣湯頓愈經云頭痛耳鳴九竅不利腸胃之所生也故脾胃一虛耳目九竅皆為之病

一婦人兩眉稜痛後及太陽面青善怒此肝經風熱之症用選奇湯合逍遙散加山梔天麻黃芪半夏黃芩而愈此症失治多致傷目

或兩耳出膿則危矣頭痛手掉身麻見一卷第五論

○川芎當歸散

川芎錢一

當歸酒拌

羌活

旋覆花

細辛

蔓荊子

防風

石膏煨

藁本

荊芥穗

半夏麩

生地黄

甘草

灸各五分

●右薑水煎

○白附子散

治風邪風痰頭痛連齒不時舉發或連年不愈

麻黃

根節不去

烏頭炮去皮

南星

炮各半兩

白附子

炮一兩

全蝎炒五枚

辰砂

麝香

白薑

炮各一錢

右為末酒調服三分臥火時

○川芎茶調散

治諸風上攻頭目昏重偏正頭痛

薄荷

兩八

川芎

荊芥

各四兩

羌活

白芷

防風

甘草 各二兩 細辛 一兩

右為末每服二錢食後茶清調

○如聖餅子加細辛其効甚速若頭痛筋攣骨重少氣噦噫腹滿咳嗽煩寃其脉舉之則弦按之石堅孫腎氣不足而逆上謂之腎厥頭痛宜玉真丸硫黃丸

○硫黃丸 治頭風不問新久服此除根屢用屢効

硫黃 二兩 硝石 一兩

右為末滴水丸指頂大每服一丸空心細嚼茶清下

一方用生菜蔬汁仰臥注兩鼻數年之患一注即愈

一方 治風邪入腦患頭痛不可忍不問年歲

硝石 人中白 腦子 并分

右為末用一字吹入鼻中

○都梁丸 治產前產後風邪所傷頭痛頭暈 方見後

附方

○調中益氣湯 治氣血俱虛而頭痛

芍藥 三分 升麻 二分 黃芪 錢一 甘草 五分 五味子 七粒 當歸

白朮 人參 各三分 柴胡 橘皮 各二分 ●右水煎

○半夏白朮天麻湯

半夏 一錢 白朮 神麴 炒各錢 天麻 黃芪 人參

蒼朮 陳皮 澤瀉 茯苓 各五分 乾薑 三分 黃柏 酒製二分

大麥蘖 一錢 ●右每服半兩水煎

○羌活附子湯

麻黃 黑附子炮 白芷 白僵蠶 黃柏各三分 羌活
蒼朮各五分 防風 甘草 升麻各五分 黃芪五分 ●右水煎服

○選奇湯 治風熱上壅鬢稜骨痛或頭目眩暈

羌活 防風各三錢 甘草二錢夏生冬炒 黃芩酒製冬去之

右每服三錢水煎時時服

○吳茱萸湯 ○升麻湯 ○麻黃附子細辛湯三方見六卷第十三論

○補中益氣湯方見二十四卷第六論

○六味丸方見二十四卷第十一論

○逍遙散方見二十四卷第四論

頸項強痛方論第六

夫頸項屬足太陽膀胱足少陰腎二經相為表裏若感風寒濕氣

發熱惡寒頸項強急腰背反張瘦癯口噤脈沉遲弦細新產血虛出

汗多患此症若因鼾睡失枕而致用三五七散追風散若風邪所傷

用都梁丸木瓜煎

愚按東垣云肩背痛不可回顧此手太陽氣鬱而不行以風藥散

之竊謂前症若因肝木自旺用瀉青丸精血不足六味丸風熱淫

肝加味逍遙散怒動肝火加味小柴胡湯肝經血虛加味四物湯

腎不能生肝六味丸膀胱氣滯羌活勝濕湯大抵肝火旺則肝血

虛而筋燥頸項強急或腰背反張或四肢拳挛或頸項等處結核

附治驗

一婦人耳內或耳後項側作痛寒熱口苦月經不調此肝膽經火兼
傷脾胃用四君加柴胡升麻黃芪芍藥而愈後因勞役怒氣嘔吐

脇脹用六君子湯加山梔柴胡而安

一婦人因怒寒熱作渴左目緊小頭頸動掉四肢抽搐遍身疼痛
血虛肝熱則生風也用加味逍遙加釣藤鈎數劑諸症漸愈又
八珍湯而痊

○追風散 治風邪所乘頭目眩痛口眼歪斜牙關緊急或百節
痛鼻塞聲重項背拘急皮膚瘙癢面若蠱行

川烏炮去皮 白殭蠶炒去 防風 石膏鄂 川芎

荆芥穗 甘草炙各 羌活 天南星 地龍去 白附子炮

全蝎去尾 白芷各半 沒藥研 乳香研 草烏炮去皮

雄黃研各 錢 右為末每服半錢用茶清少許食後臨臥調下

○都梁丸 治諸風項背不利頭目眩暈腦門作痛或產前產後

風頭目昏重血風頭痛用白芷末蜜丸彈子大每服一九細爵荆
芥煎湯下

○木瓜煎

木瓜不犯鐵器二 沒藥二兩 乳香一兩

右以木瓜去核入二藥仍蓋合之飯上蒸爛研成膏每服三匙生
地黄汁半盞無灰酒和服有人患此自午發至夜方止余曰此足
少陰經症發必先從足起蓋足少陰之筋自足大指起至頭筋者
肝之合也日中至夜天之陽陽中之陰又曰陽中之陰肺也自離
至兌陰旺陽弱之時故靈寶畢法云離至乾腎氣絕而肝氣弱肝
腎二臟受陰氣故發於是時予受此方三服而愈

附方

言補如人良方
四卷
○瀉青丸

方見二十四卷第三論

○羌活勝濕湯

方見前

○六味丸

方見二十四卷第十一論

○八珍湯

○加味逍遙散

二方見二十四卷第四論

○加味小柴胡湯

方見二十四卷第二論

○加味四物湯

○四君子湯

二方見二十四卷第六論

○婦人腰痛方論第七

夫腎主於腰若婦人腰痛繇腎氣虛弱外感六氣內傷七情皆能致之如因風邪所乘用小續命湯加桃仁杜仲如因寒濕所傷五積散腎經虛弱青娥丸如因氣血凝滯用牽牛茴香之類

愚按陳無擇先生云若形體羸面色黧黑腿足痿軟不能行立是失志所爲也腹急脇脹目視眈眈宗筋弛縱白淫下注此鬱結所

作此

爲也肌肉不仁飲食不化腸胃脹滿閉墜腰脇此憂思所爲也皆屬內因若腰冷作痛身重不渴小便自利飲食如故因勞汗出腰痠脇痛或墜墮血滯或房勞精竭皆屬內外因也竊謂前症失志腎虛熱者六味丸腎虛寒者八味丸鬱怒傷肝實用龍膽瀉肝湯虛用六味丸補肝散憂慮傷脾者歸脾湯逍遙散腎着者寒則木附湯虛則腎着湯腰膝痛者寄生湯養腎散瘀血滯者如神湯舒筋湯房勞腰痛者青娥丸十補丸

附治驗

一婦人腰痛三年矣每痛必面青頭暈目緊余以爲肝脾氣虛用補肝散而愈三年後因勞役患頭痛兼惡心用補中益氣湯加茯苓半夏蔓荊子而愈

一婦人苦腰痛數年不愈余用白朮一味大劑服不三月而痊乃胃氣虛閉之症故用白朮也

○如神湯 治男婦腰痛

延胡索 當歸 桂心等

右為末每服二錢溫酒調甚者不過數服

○獨活寄生湯 治足三陰虛風濕所侵脚膝歷節作痛

獨活 桑寄生 續斷酒炒 杜仲姜汁炒 細辛 牛膝酒拌

秦艽 茯苓 白芍藥炒 桂心 川芎 防風

人參 熟地黄自製 當歸酒拌 粉草炙各五分 ●右水煎

○舒筋散 治風寒傷腎督作痛或閃挫氣滯血瘀亦良

玄胡索炒 杜仲姜汁炒 官桂去皮 羌活 芍藥等分 小骨

右為末每服二錢酒調

又方橘核炒木香研酒下

附方

○濟生朮附湯 治寒濕傷腎腰重冷痛小便自利或手足逆冷

附子炮 白朮各一兩 杜仲姜炒半兩 ●用每服四錢薑水煎

○三因腎着湯 治腎虛為病身重腰冷如水洗狀不渴而小便自

利飲食如故腰以下冷痛如帶數千錢

茯苓 白朮各四兩 乾薑炮 甘草炙各二兩

右每服四錢水煎空心服

○青娥丸 治腎虛腰痛或外邪所侵腰腿或筋骨作痛

胡桃仁二十枚 蒜研膏四兩 破故紙酒浸炒八兩 杜仲去皮姜汁浸炒一斤

右為末蒜膏丸桐子大每服五十九空心醋湯下蒜不用亦可

○六味丸 ○十補丸 ○八味丸 三方見二十四卷第十一論

○龍膽瀉肝湯 方見二十四卷第八論

○補肝散 方見七卷第十七論 ○養腎散 方見後

○歸脾湯 ○逍遙散 二方見二十四卷第四論

○婦人腰脚疼痛方論第八

腎主於腰脚女人胞絡係焉若勞傷腎氣風冷客於脉絡故腰脚作痛也治當補元氣為主佐以祛邪之劑

愚按前症若真陽衰敗寒邪乘襲手足俱冷頭痛惡寒或嘔吐腹痛等症宜用本方若氣血虛弱寒邪所感惡寒發熱頭痛作渴或嘔吐腹痛等症宜用五積散若元氣虛弱濕熱所傷兩脛腫痛寒熱身疼或嘔吐不食等症宜用檳蘇敗毒散若脾胃虛弱元氣下陷寒熱嘔吐發熱頭痛喘渴體倦等症宜用補中益氣湯若三陰精血虧損陰火內動內熱晡熱作渴痰甚小便頻數等症宜用六味地黃丸若足三陰陽氣虛敗惡寒發熱手足俱冷吐痰不食二便滑數等症宜用八味地黃丸

附治驗

一婦人先腰膝作痛後兩腿亦痛余以為足三陰虛寒外邪所傷用小續命湯及獨活寄生湯或作或止所用飲食極熱腹中方快余曰邪氣去而元氣虛寒也診其脉果沉細用養腎散漸愈又用十補丸而痊

一婦人所患同前但發熱作渴喜冷飲食脉洪數按之遲瀦余以為

血虛有熱用羚羊角散去檳榔加白木茯苓數劑更用加味逍遙散而瘥

一婦人患前症時或腿膝作痛脉浮數按之遲緩此元氣虛而風濕所乘用獨活寄生湯頓愈又用八珍湯而安

一婦人因怒患前症寒熱往來口苦不食晡熱內熱余以為肝火血虛先用小柴胡山梔頓愈又用加味逍遙散而瘳

一婦人患前症寒熱頭痛殊類傷寒此寒邪之症用檳蘇敗毒散而安又用補中益氣調補而愈

○骨碎補散 治陽氣虛弱外寒所侵腰脚疼痛腹脇拘急

骨碎補炒 草薢酒 牛膝酒 桃仁去皮尖 海桐皮 當歸酒

桂心 檳榔各五分 赤芍藥炒 附子炮 川芎 枳殼各二分

右薑棗水煎

○養腎散 治腎經虛弱風寒所侵以致腰脚疼痛不能步履

蒼朮兩 乾蝎三錢 天麻 草烏頭炮去皮尖 黑附子炮去皮臍各二錢

右為末每服一錢酒調服麻痺少時隨愈孕婦勿服此治風寒傷腎膀胱虛寒之良藥用之得宜殊有神効

附方

○五積散 方見後 ○檳蘇敗毒散 方見二十四卷第十論

○補中益氣湯 方見二十四卷第六論

○十補丸 ○六味丸 ○八味丸 三方見二十四卷第十一論

○小續命湯 方見前 ○獨活寄生湯 方見前 ○羚羊角散 方見前

○加味逍遙散 ○八珍湯 二方見二十四卷第二論

○小柴胡湯

方見二十四卷第二論

○婦人風邪脚氣方論第九

婦人脚氣乃肝脾腎三經或胞絡氣虛爲風毒所搏而患蓋胞絡屬於腎王於腰脚三經絡脉起於足中指若風邪客於足從下而上動於氣故名脚氣皆繇六淫七情或產後或經行風毒相搏其症或頭痛身熱肢節作痛或大便秘結小便不利或脚膝緩弱足脛腫滿或腰膝枯細松悸嘔逆或小腹不仁舉體轉筋或胸滿氣急遍體酸痛用香蘇散加檳榔生薑若寒中三陽必冷用小續命湯若暑中三陰必熱用小續命湯去附子人躁者紫雪最良無紫雪以自合薄荷煎冷水調服大便秘用脾約丸麻仁丸三和散補藥淋洗皆大禁也

愚按嚴用和先生云前症初患不覺因他病乃發先從脚起或緩弱痺痛不能行履或兩脛腫滿或足膝細小或心中怔忡或小腹不仁或舉體轉筋或見食作嘔或胸滿氣急遍體酸痛其脉浮而弦者因於風濡而弱者因於濕洪而數者因於熱遲而濇者因於寒男子繇於腎氣虧損女子血海虛弱七情所致竊謂前症若足三陰虛弱用還少丹若脾氣虛寒用八味丸若飲食停滯腎腿痠脹浮腫作痛此脾氣下陷用六君子少加柴胡升麻不應須用八味丸若發熱口渴月經不調兩腿無力此足三陰血虛火燥用六味八味二丸兼服前症西方之人多患之因素食乳酪脾胃壅滯脛足腫滿至於南方亦有因膏粱厚味濕熱下注而患者故古人謂之壅疾所用之方多疎通發散之劑然感於房勞過度虧損三陰治法又當以固本爲主故六物附子爲元氣虛弱寒邪內侵之

聖藥所屬各經等方附後

附治驗

一婦人兩膝赤痛寒熱口苦嘔吐懶食面色青黃或赤此肝木乘脾
土用小柴胡湯加山梔升麻茯苓二劑頓愈又用六君子湯加柴
胡山梔全愈

一婦人飲食勞役兩膝兼腿疼痛或時寒熱余以為脾虛濕熱下陷
用補中益氣湯加山梔茯苓夏治之而痊後復作用六君子湯
加柴胡山梔全愈

一婦人經行後寒熱晡熱兩腿作痛此肝經血虛也用加味道遙散
加山梔治之而愈後因勞日晡內熱或用四物黃柏知母之類前
症益甚更加食少作瀉余以為元氣下陷前藥復傷先用六君子

湯加補骨脂二劑調補脾胃而瀉止食進又用補中益氣湯升舉
元氣而痊

○大腹皮散 治脚氣肢節煩疼心神維悶或頭暈喘嗽不食

大腹皮 紫蘇 木通 桑白皮炒 羌活 荊芥

赤芍藥炒 青皮 木瓜不犯鐵器 獨活各五分 枳殼錢一

右薑葱水煎

○半夏散 治脚氣上攻心腹脹滿飲食不下嘔吐不止

半夏薑製 陳皮 人參 大腹皮 桂心各三分 檳榔錢一

赤茯苓 紫蘇各五分 ●右薑水煎

○桑白皮飲 治兩脚浮腫小便赤澀腹脇脹滿或喘嗽痰湧嘔吐不食

桑白皮炒 郁李仁去皮 赤茯苓各一錢 木香 防已酒拌

大腹皮

紫蘇子

木通去節

檳榔

青皮

各五分

右薑水煎

附方

○大黃左經湯

治四氣乘注足陽明經以致廉腿作痛或足脛赤腫嘔吐不食大小便秘結或惡食喘急自汗等症

細辛

茯苓

羌活

大黃

甘草

前胡

枳殼麩炒

厚朴薑製

黃芩炒

杏仁去皮尖

右每服五錢薑棗水煎

○麻黃左經湯

治風寒暑濕乘注足太陽經以致腰足痠痺肢節重痛或增寒發熱自汗惡寒或自汗惡風頭痛

麻黃

乾葛

細辛

白朮

茯苓

防已

酒拌

桂

羌活

甘草

防風

右每服半兩薑棗水煎服

○半夏左經湯

治足少陽經為風寒暑濕乘注以致惡寒發熱腰腿疼痛或頭目眩暈嘔吐不食或熱悶心煩腿痺不隨

半夏薑製

乾葛

細辛

白朮

麥門冬去心

茯苓

桂枝

防風

乾薑炮

黃芩炒

小草

甘草

柴胡

右每服半兩薑棗水煎熱悶加竹瀝喘急加杏仁桑白皮

○六物附子湯

治四氣乘於足太陰經以致骨節煩疼四肢拘急自汗短氣小便不利或手足浮腫

附子炮

桂

防已

各四錢

甘草

各二錢

白朮

茯苓

各三錢

右每服半兩薑水煎

○換腿丸 治足三陰經為風寒暑濕之氣所乘發為攣痺緩縱或上攻胸背下注脚膝疼痛發熱行步艱辛

薏苡仁 南星

石楠葉

石斛

檳榔

草薢酒拌

川牛膝酒浸

防風

木瓜各四兩

黃芪炒

當歸酒拌

天麻

續斷酒炒各一兩

右為末酒糊丸如桐子大每服五十九丸薑湯下

○五積散 治風寒所傷以致脚氣疼痛或寒熱拘急嘔吐不食等症

當歸酒拌

芍藥炒

川芎

炮薑

人參

茯苓

陳皮

桔梗炒

厚朴薑炒

白芷

蒼朮

半夏薑製

肉桂

麻黃

甘草炒各五分

●右薑棗水煎

○當歸拈痛湯 治濕熱為病肢節煩疼肩背沉重胸膈不利或兼遍身作疼足脛腫痛不可忍或濕熱流注下部瘡瘍赤腫

羌活

人參

苦參酒製

升麻

乾葛

蒼朮各一錢

甘草炒

黃芩酒炒

當歸

茵陳酒製各五分

防風

母酒炒

澤瀉

猪苓

白朮各四分

●右水煎服

○紫蘇子湯 治脚氣上攻陰陽交錯清濁不分上重下虛中滿喘急嘔吐自汗無復紀律

紫蘇子微炒

半夏薑製

前胡

厚朴薑製

當歸酒拌

甘草各二兩

桂心

陳皮

●右每四錢入薑棗煎服

○還少丹

方見二十四卷第四論

○六味丸

○八味丸

二方見二十四卷第十一論

○小柴胡湯 方見二十四卷第二論 ○加味逍遙散 方見二十四卷第四論

○六君子湯 ○補中益氣湯 二方見二十四卷第六論

方卷之四終

三刻大醫院補註婦人良方大全卷之五

臨川 良甫陳自明 編輯

古吳 立齋薛 巳 補註

書林 公仁余元長 重訂

○婦人勞瘵各症方論第一

夫骨蒸痰滯復連尸症勞瘵蟲瘵毒瘵熱瘵冷瘵食瘵鬼瘵瘵者注也自上注下與前人相似故曰瘵其變有二十二種或三十六種或九十九種令人沉沉默默寒熱盜汗夢與鬼交遺泄白濁或腹中有塊或腦後兩邊有結核咳嗽膿血下利羸瘦死而傳瘵甚至滅門更有蜚尸遁尸寒尸喪尸尸注謂之五尸人爲其瘵者不自知所苦雖有狸骨獺肝天靈蓋等方未嘗見効唯崔氏灸法早用有濟若寒熱

自汗面白目乾口苦神昏善恐不能獨臥傳在肝也若寒熱面黑鼻燥善忘大便秘瀉口舌生瘡傳在心也若寒熱面青唇黃舌本硬強言語不出飲食無味羸瘦吐涎傳在脾也若寒熱面赤鼻白乾燥毛折咯嗽喘急吐涎膿血傳在肺也若寒熱面黃耳焦脚脰痠痛小便白濁遺瀝腹痛傳在腎也

愚按前症誠然有之故葛仙翁用獺肝一具陰乾杵末水下方寸七日三服未愈再作宋宣和問一法師善考訊鬼恠時一婦以痰投狀既而如有鬼祟所附曰非我爲患乃病人命自衰爾渠今已成蠱食肺故令吐血聲嘶又屢掠問彼所畏何物云以獺瓜爲末酒服之則去矣患家如其言得愈獺瓜卽獺肝之類歟玄珠云蠱瘵多有兄弟互相傳染甚至絕戶此乃冤牽相纏及風水所係雖

有符文法水下蠱之方然蠱去而入亦亡若能平素保養亦可免矣竊究濟生微旨云益氣補肺益精滋腎皆資其化源也蓋人之精血常不足加之數奪其真資化失常則胃氣不固精氣滑脫不能上接陽氣故頭重或痛氣弱而食少元氣下陷脉卽微弱外散欲絕而虛洪或見損脉此實元氣不足之所致非有外感賊邪之病也

附治驗

一婦人素勤苦因喪子飲食少思忽吐血甚多而自止此後每勞則吐數口瘵症已具形體甚倦午前以補中益氣午後以歸脾湯送地黃丸而愈

一女子患前症反其唇視有白點此蠱蝕肺也余云急尋獺肝治之

不信果咳膿而後聞其兄弟三人皆夭於此症大凡咳嗽當視其兩唇若上唇有點蟲蝕上部下唇有點蟲蝕下部

二十四種蒸病論新附

所謂勞蒸者毛折髮焦肌膚甲錯其蒸在皮外熱內寒身振肉瞶其蒸在肉髮焦鼻衄或復尿血其蒸在血身熱煩躁痛如針刺其蒸在脉爪甲焦枯眼昏脇痛其蒸在髓頭眩熱悶涎澀眩淚其蒸在腦男子失精女子白淫其蒸在玉房乍寒乍熱中腕煩悶其蒸在三焦小便赤黃凝濁如膏其蒸在膀胱大便秘泄腹中雷鳴其蒸在小腸大腹隱痛口舌乾疼其蒸在大腸口鼻乾燥腹脹自汗睡臥不安其蒸在胃口苦耳聾兩脇下痛其蒸在膽裏急後重肛門秘澀其蒸在廣腸小腹痠痛筋脉縱緩陰器自強其蒸在宗筋眩暈下淚躁怒不常

其蒸在肝舌黑氣短煩悶灑淅其蒸在心唇黃口瘡胸腹脹悶畏寒不食其蒸在脾咳嗽喘滿咯痰吐血聲嘶音啞其蒸在肺耳輪焦枯脚氣酸痛其蒸在腎情想不寧精物時下其蒸在右腎心膈噎塞攻擊疼痛俛仰煩冤其蒸在膈此症盡多作茶心膈治當絕其根也

愚按醫林集要云前症若蒸肺用天麻作茶冬桔梗紫苑烏梅肉若蒸皮石膏桑白皮若蒸氣喘促鼻乾身熱不安人參黃芩梔子若蒸大腸大黃芒硝若蒸心黃連生地黃當歸若蒸脉蒸血皆用生地黄當歸童子小便若蒸小腸赤茯苓木通生地黃若蒸脾芍藥木瓜苦參若蒸肉芍藥若蒸胃石膏粳米大黃芒硝乾葛若蒸膽柴胡瓜蒌若蒸三焦石膏竹葉若蒸肝川芎當歸前胡若蒸筋川芎當歸若蒸腎生地黃石膏知母寒水石藁本若蒸腦生地黃防

風若蒸髓天門冬當歸生地黃若蒸骨鱉甲地骨皮當歸牡丹皮
生地黃若蒸玉房知母黃柏當歸芍藥若蒸脾澤瀉茯苓生地黃
沉香滑石若蒸膀胱瀉滑石凡此諸蒸多因熱病食肉與油膩
房勞飲酒而成者久蒸不除變為疝症即死亦有瘰癧久而不愈
以致咳嗽失治漸成骨蒸勞瘵之症當推標本而治之

崔氏灸骨蒸勞瘵用細繩一條男左女右從足大姆指頭齊量起從
脚板底當脚跟中心向後引繩循脚肚貼肉直上至曲脊中橫紋截
斷又令患者解髮分兩邊見頭縫自額門平分至腦後乃平身正坐
取前所截繩一頭從鼻端齊引繩向後正循頭縫至腦後貼肉垂下
循脊骨引繩向下至繩盡處當脊骨以黑點記此黑點不別取一繩
令患者合口將繩按於口上兩頭至吻却鈞起繩中心至鼻端根下

如人字樣齊兩吻截斷將此繩展直於前在脊骨上黑點處取中橫
量勿令高下於繩兩頭以白圈記之此是灸穴初灸七壯此名患門穴

初灸此訖次令其人平身正坐稍縮臂膊取一繩連頂向前雙垂與
鳩尾齊鳩尾是心岐骨無是岐骨者即前兩岐骨間量取一寸即是鳩尾也即截斷却背翻繩頭向項

後以繩中停取心正令當喉嚨結骨上第二次墨點處摺中橫量繩
兩頭以白圈記之此是灸穴初灸七壯至百壯又將第二次量口繩摺中當脊直

上下豎停中心在第二次墨記上下繩頭盡處以白圈記之此是灸穴初灸七壯至百壯

其疾未効依法復灸故云累灸至百壯凡灸時可用灸足三里以瀉其火為好若婦人

纏足短小難為量只取膏肓膈灸之在第四椎下兩傍各三寸是穴軒用此法灸之無有不効者

言補氣人良方 五卷 四
○神仙秘法 取勞蠹須先擇良日焚香禱祝令病人面向福德方服神効

青桑枝

楊柳枝

梅枝

桃枝

俱向東者各七莖

葱白七莖

青蒿

一握如無以子代

阿魏

錢一真安息香錢一

右用童便一升半煎一升入阿魏再煎數沸入硃砂半兩小檳榔半兩麝香半錢五更并天明各進一服下白蠶尚可治以淡粥補之用藥調理三五月再服以除病根如蠹黑已入腎不可救矣

治心胸痛引兩脇昏悶聲濁熱壅鼻衄或痰喘發熱

桑白皮炒

枳殼炒

木通

子芩炒

生地黃

白芍藥

甘草各五分

●用水煎服

○溫金散 治肺嗽惡寒發熱唾痰皮毛焦燥

甘草炒

黃芩炒

作神

桑白皮炒

防風

各一兩

杏仁

二十七粒製

人參

茯苓

各半兩

麥門冬

三錢

右前五味用米泔浸一宿曬乾入人參等三味每服三錢入蠟一豆大水煎

○桔梗飲子 治心氣不足解倦溢血或喘嗽痰甚

桔梗炒

甘草炒

黃芪炒

人參

麥門冬

各一錢

青皮三分

●用水煎服

治咽喉痛

百藥煎

去黑皮

鵬砂

甘草

生白礬

等分

右爲末每服一二錢食後用米飲調細呷嚥之

○含化丸 治肺間邪氣胸中積血作痛失音痰喘

丁補歸入良方

五卷

五

蛤蚧一雙去足炙 訶子去核 阿膠粉炒 麥門冬去心 細辛

甘草炒 生地黃各半兩

右為末蜜丸芡實大食後含化一九

○河車丸 治一切勞瘵虛損骨蒸等疾

紫河車一具初生男胎者尤良洗淨杵爛本草云人肉治瘵病胞衣主勞損面黧皮黑諸疾瘦悴

白茯苓兩半 人參兩一 乾山藥兩二

右為末麪糊和入河車加三末丸梧子大每服三五十九空心米飲下嗽甚五味子湯下

○補肺湯 治勞嗽五臟虧損喘熱發熱盜汗自汗唾痰喘嗽

桑白皮炒 熟地黃各一錢 人參 紫苑 黃芪炒

五味子炒各五分 用水煎入蜜少許食後服

○養正膏 治傳尸出汗取蠱辟邪

鱉甲一兩醋炒 青蒿一握 淡豆豉三七粒 葱白兩莖 安息香一分研

桃柳桑枝各七莖 天靈蓋用七豆大一片酥炙 桃仁四十九箇去皮尖雙仁

右隔夜以水一升浸至五更煎至半升入童便半升煎取四合調攪椰麝香末各一錢日高時頓服以衣覆十指汗出如藕絲瀉下如蠱狀甚者旬日再服

○阿膠丸 治勞嗽出血咯血發熱晡熱口渴盜汗

阿膠炒 生地黃 卷栢葉 山藥炒 大薊根

五味子炒 雞蘇各一兩 栢子仁炒 人參 防風

麥門冬去心各半兩

右為末煉蜜丸彈子大每服一九細嚼麥門冬煎湯下

四君子湯加秦艽黃蠟水煎服尤妙治勞嗽咯血

○神授散 治傳尸盛用川椒二斤去核并合口若炒為末每服一錢酒糊丸空心米飲下服盡見効

○蘇合香丸 治傳尸骨蒸勞瘵疰疢鬼氣心痛方見三卷第四論

○四君子湯 方見二十四卷第五論

○補中益氣湯 方見二十四卷第六論

○歸脾湯 方見二十四卷第四論

○六味地黃丸 方見二十四卷第十一論

○婦人骨蒸勞方論第二

夫骨蒸勞由積熱附於骨而名也亦曰傳尸瘵帶復連無辜其名不

一此病皆由脾胃虧損所致其形羸瘦腹脹泄痢肢體無力傳於腎則盜汗不止腰膝冷痛夢鬼交侵小便赤黃傳於心則心神忪悸喜怒不時頰唇赤色乍熱乍寒傳於肺則胸滿短氣咳嗽吐痰皮膚甲錯傳於肝則兩目昏暗脇下妨痛閉戶忿怒五臟既病則難治矣愚按前症多因經行胎產或飲食起居七情而傷肝脾之所致又或失於調攝或過於攻伐而成東垣先生云發熱之症肺熱者輕手乃得微按全無日西猶甚乃皮毛之熱其症喘嗽寒熱輕者用瀉白散重者涼膈散白虎湯地骨皮散心熱者微按之皮膚之下肌肉之上輕手乃得微按至皮毛則熱少加力按之則全不熱是熱在血脉也日中太甚其症煩心心痛掌中熱而噦用黃連瀉心湯導赤散硃砂安神丸脾熱者輕手捫之不熱重手按至筋骨又

不熱不輕不重在輕重之間此熱在肌肉遇夜猶甚其証怠惰嗜臥四肢不收無氣以動用瀉黃散肝熱者按之肌肉之下至骨之上寅卯時猶甚四肢蒲悶便難轉筋多怒多驚筋痿不能起於床用瀉青丸柴胡飲腎熱者輕手重按俱不熱加重手按至骨分其熱蒸手如火其症骨蒸如蠱蝕因熱不能起於床用滋腎丸此治實熱之法也竊謂肺經虛熱者用人參補肺湯脾氣虛而不能生肺者用六君子湯脾熱遺於肺者用三黃丸心經虛熱者用補心湯命門火衰不能生土者用八味丸肝虛不能生心者用補肝散腎尅心者用附子理中湯脾經虛熱者用人參黃芪散土尅水者用承氣湯脾不能培肝者用六君子湯元氣下陷及金不能生水者俱用補中益氣湯肺尅肝及腎經虛熱與腎不能生肝者俱用

六味丸

附治驗

一婦人發熱嘔熱盜汗自汗殊畏風寒飲食少思或腹脹吞酸或大便不實此脾胃不足諸經虧損朝用補中益氣夕用八珍湯倍用參苓白朮各二十餘劑諸症漸愈因喪母哀傷患盜汗便血用加味歸脾湯數劑而止仍用前二藥又五十餘劑羸愈月經兩月而至適因怒去血過多發熱作渴肢體酸倦頭目暈痛用逍遙散加味歸脾湯二藥調補而痊

一婦人盜汗自汗遍身酸疼五心發熱夜間益甚或咳嗽咽乾或盜汗自汗月經兩三月一至用加味逍遙散六味地黃丸兼服臨臥又服陳朮丸三月餘諸症悉愈其經乃兩月一至又服兩月而痊

陳米丸即陳皮白朮為丸

一婦人患前症食少倦怠肌肉消瘦日晡發熱至夜益甚月水過期漸至不通時發渴躁誤用通經之劑熱倦愈重飲食愈少余用八珍湯加升麻丹皮山梔柴胡治之熱漸退又用八珍丹皮軟柴胡調理而愈

一婦人飲食少思胸膈不利或胸中作痛或大便作瀉或小便不利用逍遙散加山梔茯苓神遠志木香而愈後因怒寒熱往來倦怠煩熱以前藥加炒黑黃連三分頓愈用八珍湯調理而愈後因怒吐血躁渴用人參五錢苓朮當歸各三錢陳皮甘草各一錢治之愈一婦人胸脇作痛內熱晡熱月經不調余謂鬱怒傷損肝脾朝用歸脾湯以解鬱結生脾氣夕用加味逍遙散以生肝血清肝火半載而愈後因飲食失調兼有怒氣月經如注脈浮洪而數用大君子加芎歸炮薑一劑而血止用補中益氣加炮薑茯苓半夏治之而元氣復又用歸脾湯逍遙散調理而康

一婦人內熱口乾頭暈吐痰帶下體倦飲食少思余謂脾氣虛弱而不能生肺金用補中益氣湯加茯苓半夏脾氣漸復飲食漸進諸症漸退再用加味逍遙散治之尋愈

一婦人腹脹脇痛內熱晡熱月經不調不時吐痰或用化痰行氣之劑胸膈不利余為脾氣鬱結肝經血虛朝用歸脾湯夕用加味逍遙散百餘劑而諸症漸愈又因飲食停滯或用峻厲之劑口乾體倦余用七味白朮散補中益氣加茯苓半夏巾氣漸愈又以補中益氣及八珍湯兼服而痊

一婦人患前症將愈因怒胸膈不利飲食少思服消導利氣之藥大便下血余曰此脾氣復損不能攝血歸源用補中益氣加茯苓半夏炮薑血止用八珍加柴胡炒梔熱退用八珍湯逍遙散而痊

一婦人肌體倦瘦口乾內熱盜汗如洗日晡熱甚用參芪歸朮茯神遠志棗仁麥門五味丹皮龍眼肉炙草柴胡升麻治之獲痊後因喪子懷抱不舒腹脹少寐飲食少思痰涎上湧月經頻數余爲鬱悶傷脾不能攝血制涎歸源耳用補中益氣濟生歸脾漸愈又用八珍湯調理而痊

一婦人發熱口乾月經不調肢體無力腿痛體倦二膝浮腫余作足三陰經血虛用六味丸逍遙散兼服兩月形體漸健飲食漸進腫漸消而痊

一婦人日晡熱甚月水不調飲食少思大便不實胸膈痞痞頭目不清肢體倦怠發熱煩躁余爲七情肝脾虧損之症用濟生歸脾湯加味逍遙散補中益氣湯調治元氣漸復而愈

一婦人月經不調晡熱內熱飲食少思肌體消瘦小便頻數或用清熱生血之劑月經不行四肢浮腫小便淋瀝余朝用金匱加減腎氣丸夕用歸脾湯漸愈又用八珍湯兩月而愈

一婦人胸脇膨滿小腹悶墜內熱晡熱飲食不甘體倦面黃日晡則赤灑浙惡寒此脾肺氣虛先用六君子加川芎當歸諸症漸愈又用補中益氣加茯苓半夏諸症全愈後飲食失節勞怒惡寒發熱不食用加味小柴胡二劑而熱退用逍遙散歸脾湯調理而康

○天靈蓋散 治骨蒸四肢無力晡熱煩赤食少心煩

天靈蓋酥炙

安息香

地骨皮

當歸

山梔仁

人參

貝母去心

黃芪

桃仁

去皮尖雙仁麩炒黃

檳榔各一兩

鱉甲酥炙

紫胡

生地黄

赤茯苓

麥門冬

阿魏

右每服五錢桃柳枝各七寸薑五片葱白五寸童便煎

愚按醫學綱目云柴胡本經並無一字治勞熱今治勞方鮮有不用者誤世多矣凡此症乃真臟虧損而虛熱王海藏先生云苟無實熱而用柴胡不死何待蓋柴胡乃肝膽之藥雖能升胃氣下陷每劑不過分許而可多用哉產後氣血虛熱尤宜禁忌

○癩肝丸

治骨蒸勞熱或潮熱發熱體瘦煩疼不欲飲食

癩肝具一

鱉甲酥炙

柴胡各一兩半

硃砂研

桃仁

去皮尖雙仁麩炒黃

升麻

天靈蓋酥炙

犀角鈔

梔子仁

炒

地骨皮

知母各一兩

黃芪炒

甘草炒各五錢

麝香研一錢

右為末煉蜜丸桐子大每服三十九空心食前滾水下

治肝臟中風心神煩熱言語蹇澁不得安臥

竹瀝

荆瀝

葛根

生薑汁

白蜜

各一合

右和勻頻服之

○麻黃散 治心臟中風多汗惡風善怒心神顛倒言語蹇澁舌強

口乾面赤頭痛翕翕發熱胸背拘急手心熱甚偃臥不側必悸恍惚或寒顛心驚悸口喎唇味好笑

麻黃去節

白朮

防風

川芎

甘草炙

漢防已

當歸

人參各一錢

羌活

遠志去心

茯神 去木各一錢半 升麻 八分 桂心 半錢

右水薑煎入竹瀝半盞再煎一二沸

○茯神散 治同前或四肢沉重精神不安或痰氣不利

茯神 去木 羌活 麻黃 節去 龍齒 研另 赤芍藥

甘草 炙各一錢 蔓荊子 薏苡仁 麥門冬 心去 人參 去蘆

防風 去蘆 犀角屑 各七分半

右薑水煎服

○十全大補湯 治氣血虛熱加柴胡地骨皮秦艽

○秦艽散 治五心煩熱頰赤

○逍遙散 治血虛五心煩熱肢體疼痛頭目昏重心忪頰赤口燥

咽乾發熱盜汗減食嗜臥月水不調臍腹脹痛寒熱如瘧痰

熱肌體羸瘦漸成骨蒸 方見二十四卷第四論

○枳殼散 治婦人手足煩熱盜汗肌痺經候不調煩倦心胃滿悶

狀如勞氣

枳殼 去穢炒二兩 半夏 赤芍藥 各一兩 柴胡 黃芩 各一兩半

右為末每服三錢薑棗水煎服

華陀解勞生肌進食活血養心石膏每服水和錢許甚驗

○青蒿散 治體倦虛疼勞熱九月採青蒿去梗用童子小便浸三

日曬為末每服二錢烏梅一箇煎湯調服

清心蓮子飲參蘇飲加黃芩麥門冬並治五心煩熱手足熱甚

附方

○加味小柴胡湯 方見二十四卷第二論

○柴胡飲 治肌熱積熱或汗後餘熱脈洪實弦數

柴胡 人參 黃芩 芍藥 甘草 當歸

大黃煨各二錢半 ●用薑水煎服

○瀉白散 治肺臟氣實心胸壅悶咳嗽煩喘大便不利

桔梗煨 地骨皮 甘草炙 瓜蒌仁

升麻 半夏薑製 桑白皮炙 杏仁去皮尖等分

右每服四錢薑水煎

○導赤散 治心虛蘊熱小便赤澀或成淋瀝口舌生瘡等症

生地黄 木通 甘草等分

右每服三錢竹葉水煎

○瀉黃散 治脾熱口臭咽乾或口舌生瘡發熱作渴

石膏 山梔子炒 防風 甘草 藿香等分

右每服三錢水煎

○涼膈散 治上焦積熱煩躁作渴頭目昏瞢咽喉腫痛便溺赤澀

語言謔妄等症

大黃煨 朴硝 甘草各二兩 連翹四兩 梔子仁炒

黃芩炒 薄荷葉各兩

右為末每服二三錢竹葉七片水煎溫服

○白虎湯 治胃熱作渴暑熱尤効又治熱厥腹痛身難轉側面垢

譫語遺溺手足厥冷自汗脈沉滑大便泄清水無度

知母 石膏各二錢 粳米半合 ●用水煎服

○附子理中湯 治脾胃虛寒手足厥冷飲食不入或腹鳴切痛嘔

逆吐瀉

方見二十卷第八論

○硃砂安神丸

方見三卷第十論

○地骨皮散

方見六卷第三論

黃連瀉心湯用一味黃連為末每服二錢以白湯調下

○瀉青丸

方見二十四卷第三論

○承氣湯

方見後

○滋腎丸

方見八卷第一論

○人參補肺湯

方見二十四卷第十二論

○補中益氣湯

○六君子湯 二方見二十四卷第六論

○三黃丸

方見八卷第八

○補心湯

方見前

○六味丸

○八味丸

二方見二十四卷第十一論

○補肝散

方見七卷第十七論

○人參黃芪散

方見十三卷第十論

○加味歸脾湯

○八珍湯

○加味逍遙散

○逍遙散

○歸脾湯

五方見二十四卷第四論

○七味白朮湯

方見二十一卷第二論

○金匱加減腎氣湯

方見二十一卷第十論

○婦人血風勞氣方論第三

婦人血風勞症因氣血素虛或產後勞傷外邪所乘或內有宿冷以致腹中疼痛四肢酸倦發熱自汗月水不調面黃肌瘦當調補肝脾氣血為主

愚按東垣云喜怒不節起居不時有所勞傷皆損其氣氣衰則火
旺火旺則乘其脾土脾主四肢故困熱懶言動作喘乏表熱自汗
心煩不安當病之時宜安心靜坐存養其氣以甘寒瀉其熱氣以
酸味收其散氣以甘溫補其中氣經言勞者溫之損者溫之要
云平人脉大為勞以黃芪建中湯治之

附治驗

一婦人勞則足跟熱痛余以為足三陰血虛用聖愈湯而痊後遍身
搔痒誤服風藥發熱抽搐肝脉洪數此肝家血虛火盛而生風也
天竺星為丸用四物麥門五味芩連炙草山梔柴胡煎送而愈
一婦人素清苦勤於女工因感風邪自用表散之劑反朝寒暮熱自
汗盜汗形氣虛甚其脉或浮洪或微細其向或青白或痿黃此邪

去而氣血愈虛也用十全大補湯三十餘劑漸愈又用加味逍遙
散兼治半載而痊

○人參荆芥散 治遍身疼痛頭昏目澁心忪煩倦寒熱盜汗頰赤
口乾痰嗽胸滿月水不調腹痛癍塊

荆芥 人參 生地黃 柴胡 鱉甲醋炙

酸棗仁炒 枳殼麩炒 羚羊角鎊 白朮各七分 川芎

當歸酒拌 桂心 防風 甘草各五分

右薑水煎日二服

○地黃煎 治血虛心忪發熱

生地黃 熟地黃自製等分

右用薑汁和水拌杵丸桐子大每服五十九空心白湯下日三服

若臟腑虛寒早間先服八味丸一服

愚按前方肝脾血虛發熱內熱晡熱盜汗作渴體倦筋骨疼痛筋脉拘攣血虛發躁虛熱生痰咳嗽之良劑若因肝脾腎精血燥熱生痰胸膈痞滿喘咳作渴及一切虛火症必用六味丸為主

○乞力伽散

治血虛肌熱或脾虛蒸熱或內熱寒熱

白朮

白茯苓

白芍藥

炒各一錢

甘草

炒五分

右薑棗水煎

附方

○黃芪建中湯

方見二十卷第四論

○聖愈湯

方見二十四卷第九論

○四物湯

方見二十四卷第六論

○六味丸

○加味逍遙散

二方見二十四卷第四論

○六君子湯

○補中益氣湯

二方見二十四卷第六論

○歸脾湯

○十全大補湯

二方見二十四卷第四論

○人參養榮湯

方見二十四卷第三論

○八味丸

方見二十四卷第十一論

○婦人冷勞方論第五

婦人冷勞屬血氣不足臟腑虛寒以致臍下冷痛手足時寒月經失常飲食不消或時嘔吐惡寒發熱骨節痠疼肌膚羸瘦面色痿黃也愚按前症有內外真寒然有內外真熱亦有內真熱而外假寒者亦有內真寒而外假熱者若飲食難化大便不實腸鳴腹痛飲食畏寒手足逆冷面黃嘔吐畏見風寒此內外真寒之症也宜用附

予理中湯以回陽八味地黄丸以壯火若飲食如常大便堅實胸腹痞脹飲食喜冷手足煩熱面赤嘔吐不畏風寒此內外真熱之症也宜用黃連解毒湯以消陰六味丸以壯水若飲食如常大便堅實胸腹痞脹飲食喜寒手足逆冷面黃嘔吐畏見風寒此內真熱而外假寒也亦用解毒湯六味丸若飲食少思大便不實吞酸噯氣胸腹痞滿手足逆冷面赤嘔吐畏見風寒此內真寒而外假熱也亦用附子理中湯與八味丸當求其屬而治之經曰益火之源以消陰翳壯水之主以制陽光使不知真水火之不足泛以寒熱藥治之則舊疾不去新病復生矣夫所謂屬者猶主也謂心腎也求其屬也者言水火不足而求之於心腎也火之源者陽氣之根即心是也水之主者陰氣之根即腎是也非謂火為心原為腎水為腎主為肺也大抵寒亦抑心熱亦強腎在治者審之

附治驗方藥

一婦人食少作嘔口吐痰涎面黃腹痛月經不調手足逆冷余謂此內外俱寒之症遂以六君加附子木香治之而愈

先太宜人忽嘔吐酸水內熱作渴飲食不進惟喜冷水面色青赤投之以藥入口即吐此內外真熱之症積十餘日以黃連一味煎湯飲之徐加白朮茯苓仍加陳皮當歸炙草至月餘始進米飲稀粥調理而愈

一婦人內熱作渴大便秘結畏惡風寒手足逆冷余以為內真熱而外假寒先用黃連解毒湯後用六味丸而愈

一大方室趙氏初患痰喘熱渴醫以降火散氣治之肌日削而氣日

索延至甲辰木旺痰盛身熱口腐腹脹神昏絕食幾死先生診之云此乃虛熱無火投以壯水生土之劑隨服隨愈

本作劫

○八味丸

○六味丸二方見二十四卷第十一論

○附子理中湯

方見二十四卷第八論

○黃連解毒湯

方見六卷第十一論

○六君子湯

方見二十四卷第六論

卷之五終

三刻太醫院校註婦人良方大全卷之六

○婦人熱勞論第一

婦人熱勞由心肺壅熱傷於氣血以致心神煩躁頰赤頭疼眼澁唇乾口舌生瘡神思昏倦四肢壯熱飲食無味肢體酸疼心怔盜汗肌膚日瘦或寒熱往來當審其所因調補氣血其病自愈矣

愚按前症乃壯火食氣虛火煎熬真陰之所致也王太僕云如大寒而甚熱之不熱是無火也熱來復去晝見夜伏夜發晝止是無火也當治其心如大熱而甚寒之不寒是無水也熱動復止倏忽往來時動時止是無水也當助其腎心盛則生熱腎盛則生寒腎虛則寒動於中心虛則熱收於內竊謂前症若肝脾血虛用四物參朮肝脾鬱怒小柴胡合四物湯脾胃氣虛補中益氣湯肝脾血

虛加味逍遙散肝經風熱加味小柴胡湯心經血虛天王補心丹
肺經氣虛人參補肺湯肝經血虛加味四物湯大抵午前熱屬氣
分用清心蓮子飲午後熱屬血分用四物參朮丹皮熱後左邊起
肝火也實則四物龍膽山梔虛則四物參朮黃芪熟從臍下起陰
火也四物參朮黃栢知母酒拌炒黑五味麥門肉桂如不應急用
加減八味丸不時而熱或無定處或從脚心起此無根虛火也用
加減八味丸及十全大補湯加麥門五味主之

附治驗

一婦人經行不調飲食少思日晡熱甚余以為肝脾氣血俱虛用十
全大補加山茱山藥丹皮麥門五味而愈次年秋寒熱如瘧仍用
前藥而愈

一婦人生育多胎月經不調兩足發熱年餘其身亦熱勞則足痠痛
又年許唇腫裂痛又半年唇裂見血形體瘦倦飲食無味月水不
行此氣血俱衰之症彼誤用通經丸等藥復傷氣血遂致不起
○黃芪散 治發熱羸瘦心燥口乾不欲飲食或盜汗晡熱

人參

黃芩炒

當歸各三錢

柴胡五分

黃芪炒

地骨皮

白茯苓

麥門冬去心

生地黄

白芍藥炒

甘草各一錢

甘草炒三分

右水薑煎

○猪肚丸 治熱勞羸瘦

柴胡

赤茯苓

人參

黃芪各一兩

黃連炒三分

地骨皮

木香各五錢

桃仁去皮

鱉甲各一兩

右為末用嫩猪肚一枚入藥縫合蒸熟研爛丸桐子大每服三五

十九食前米飲下日二服

附方

○清心蓮子飲 治熱在氣分口乾小便白濁夜間安靜晝則發熱
又治口舌生瘡或口苦咽乾煩躁作渴小便赤澀下淋不止或莖
中作痛

黃芩炒

麥門冬去心

地骨皮

車前子炒

甘草各一錢半

石蓮肉

茯苓

黃芪炒

柴胡去苗

人參各一錢

右每服五錢水煎

○補中益氣湯

○加味四物散

○四物湯三方見二十四卷六論

○加味小柴胡湯

○小柴胡湯

二方見二十四卷第二論

○十全大補湯

○加味逍遙散

二方見二十四卷第四論

○天王補心丹

寧心保神益血固精壯力強志令人不忘清三焦

化痰涎祛煩熱除驚悸療咽乾育養心神

人參去蘆

熟苓

玄參

丹參

桔梗

遠志各五錢

當歸酒浸

五味

麥門冬去心

天門冬

栢子仁

酸棗仁炒各一兩

生地黄四兩

右為末煉蜜丸桐子大用硃砂為衣每服二三十丸臨臥竹葉煎
湯送下一方多石菖蒲熟地黄杜仲百部茯苓甘草此方內天麥
門冬玄參生地雖能降火生血化痰然其性沉寒損傷脾胃尅伐
生氣若人飲食少思大便不實者不宜用

○人參補肺湯

方見二十四卷第十二論

○加減八味丸

方見二十四卷第十一論

婦人客熱方論第二

婦人客熱由元氣虛而外熱乘之以致口燥心煩四肢壯熱肌肉消瘦治法當審其因而調補之

愚按前症若客邪所侵用補中益氣加川芎防風肝虛血少六味

地黃丸胃火飲冷錢氏瀉黃散胃虛飲湯七味白朮散潮熱時熱

八珍湯晡熱內熱逍遙散發熱體倦補中益氣湯恚怒發熱小柴

附治驗

一婦人素有胃火服清胃散而安後因勞役暈渴內熱肌肉消瘦月經不行此胃火消鑠陰血用逍遙散加丹皮炒梔以清胃熱用八珍湯加茯神遠志以養脾血元氣充足而經自行矣

○麥門冬散 治四肢倦痛煩悶不食或寒熱往來

麥門冬去心 柴胡 羚羊角鎊 赤芍藥

桑白皮炒 黃芪炒各四分 生地黄 甘草炒各三分

○右薑水煎 附方

○補中益氣湯 方見二十四卷第六論

○六味丸 方見二十四卷第十一論

○瀉黃散 方見五卷第三論

○七味白朮散 方見二十一卷第二論

○八珍湯 ○加味歸脾湯 ○逍遙散 三方見二十四卷第四論

○小柴胡湯 方見二十四卷第二論

升陽益胃湯 方見三卷第九論

清胃散 方見二十四卷首論

婦人寒熱方論第三

經曰陽不足則先寒後熱陰不足則先熱後寒皆由勞傷氣血陰陽不調寒熱如瘧也當分氣血虛實而治之

愚按前症若寸口脉微名曰陽不足則陰氣上入於陽中用補中益氣湯若尺部脉弱名曰陰不足則陽氣下陷入陰中用益陰腎氣丸若因氣血俱虛用八珍湯若因怒動肝火用小柴胡湯若陰陽俱不足則氣血不歸其本部以致寒熱交爭也

附治驗

一婦人年六十有四久鬱怒頭痛寒熱春間乳內時痛服流氣飲之

類益甚時有血如經行又大驚恐飲食不進夜寐不寧兩乳腫脹兩脇焮痛午後色赤余以為肝脾鬱怒火躁先以逍遙散加酒炒黑龍膽一錢山梔一錢五分服二劑腫痛頓愈又二劑全愈再用歸脾湯加炒梔貝母諸症悉愈

○地骨皮散 治血風氣虛時作寒熱或晡熱內熱

柴胡 地骨皮 各一兩 桑白皮 炒 枳殼 炒 前胡

黃芪 炒各五分 白茯苓 五加皮 人參 甘草

桂心 白芍藥 各三分 ●用薑水煎服

○柴胡散 治寒熱體痛口乾心煩飲食少思肌體消瘦

柴胡 黃芪 炒 赤茯苓 白朮 各一錢 人參 地骨皮

枳殼 炒 生地黃 苦梗 桑白皮 炒 赤芍藥 各三分

驚甲錢 麥門冬去心 甘草分 ●用薑水煎服

○益陰腎氣丸 治諸臟虧損發熱肺熱潮熱盜汗或寒熱往來五
心煩熱或口乾作渴月經不調或筋骨疲倦飲食少思或頭目不
清痰氣上壅咳嗽喘甚胸膈痞悶或小便赤數兩足熱痛或脚足
痿軟肢體作痛等症此壯水之主以制陽光之劑也

澤瀉 茯苓 生地酒拌 牡丹皮 山藥 茺蔚肉

當歸 五味子炒 熟地自製

右為末入二膏加煉蜜丸桐子大硃砂為衣每服五十九空心淡
鹽湯下

○補中益氣湯 方見二十四卷第六論

○六味丸 方見二十四卷第十一論

○小柴胡湯 方見二十四卷第二論

○八珍湯 ○逍遙散 ○歸脾湯 三方見二十四卷第四論

○寡婦寒熱如瘧方論第四

倉公傳與褚氏論皆云師尼寡婦獨陰無陽慾心萌而不遂是以懨
懨成病以致乍寒乍熱而類瘧狀久則為勞又有經閉白淫痰逆頭
風膈氣痞悶面黧瘦瘠等證皆寡婦之病診其脈獨肝脈弦出寸口
而上魚際皆血盛而致經云男子精盛則思室女人血盛則懷胎觀
其精血思過半矣

愚按前症若肝脈弦出魚際用生地黄丸血虛佐以四物湯若兼
怒動肝火而寒熱佐以加味道遙散若虧損肝經而寒熱佐以八
珍湯若虧損元氣而寒熱佐以補中益氣湯若鬱傷脾氣而寒熱

佐以濟生歸脾湯

附治驗

一寡婦不時寒熱脉上魚際此血盛之症用小柴胡湯加生地黃治之而愈但畏風寒此脾胃氣虛用加味歸脾補中益氣二湯兼服而止

一婦人因夫久出經商發寒熱月經旬日方止服降火凉血藥內熱益甚自汗盜汗月經頻數余曰內熱自汗乃脾氣虛弱也月經頻數乃血不歸脾也用歸脾湯六味丸而愈

一室女寒熱肝脉弦長而出寸口用小柴胡湯加生地烏梅治之而愈既嫁而諸症悉痊

一室女久患寒熱月經失期以小柴胡湯加生地治之少愈更以生

地黃丸而痊

○生地黄丸

許學士云有一師尼惡風體倦乍寒乍熱面赤心煩

大小柴胡湯雜進其病益劇予診視之曰三部脉無寒邪但肝脉弦長而上魚際服此丸而愈

柴胡

秦艽

黃芩

各半兩

生地黄

二兩酒濕杵膏

赤芍藥

一兩

右爲末煉蜜丸桐子大每服三十九丸烏梅湯下日三服

附方

○補中益氣湯

○四物湯

二方見二十四卷第六論

○加味逍遙散

○八珍湯

○加味歸脾湯

○歸脾湯

四方見二十四卷第四論

○小柴胡湯

方見二十四卷第二論

○六味丸

方見二十四卷第十一論

○婦人惡寒方論第五

婦人惡寒有陰陽二証發熱而惡寒者發於陽也無熱而惡寒者發於陰也發於陽者脈浮數宜解表發於陰者脈沉細宜溫裏凡惡寒不可過覆衣被及近火熱若寒熱相搏令人寒甚若寒氣入腹血室結聚最難治療

愚按前症若怠惰嗜臥洒淅惡寒乃陽不能伸發用升陽益胃湯若勞傷形氣而惡寒乃無陽以護衛用補中益氣湯若飲食傷脾胃而惡寒乃元氣虛損用六君子湯若加煩躁妄言或欲飲水仍服前劑但加薑桂若體倦煩渴頭痛自汗用補中益氣加五味麥門東垣云晝則發熱惡寒是陰氣上溢於陽分也夜則惡寒是陰血自旺於陰分也海藏云六月大熱之氣反得大寒之症當捨以從症治以薑桂之類丹溪云久病惡寒乃痰鬱於脾抑遏陽氣不得外泄治當解鬱

附方

○升陽益胃湯

方見三卷第九論

○補中益氣湯

○六君子湯

二方見二十四卷第六論

○婦人血風煩悶方論第六

婦人血風煩悶由勞傷氣虛而風邪乘之血氣不和以致肢節熱疼口乾不臥而煩悶也當調補元氣爲主

愚按前症多屬肝脾血虛發熱當參照前寒熱方論主治

○赤芍藥散

治煩悶不食體倦頭眩身體疼痛等症

赤芍藥

酒炒

白茯苓

各一錢

甘草

炒

柴胡

各五分

○右薑棗水煎

○婦人血風攻脾不食方論第七

夫脾爲中州意智之臟也諸經皆賴其養與胃爲表裏胃主司納脾主腐化若勞傷真氣外邪乘之諸症生焉

愚按經云胃乃脾之剛脾乃胃之柔傷胃則脾無所稟受傷脾則不能爲胃運化是以脾胃爲之表裏藉飲食以滋養百脈者也竊謂前症若飲食所傷六君子湯勞後所傷補中益氣湯若風寒所傷用人參理中湯木旺乘土六君加柴胡嘔吐腹痛或大便不實前湯加木香胸膈虛痞或肚腹不利六君子湯鬱怒傷損肝脾歸脾湯命門火衰八味丸仍審諸經錯雜之邪而治之假如不能食

而肌肉削乃脾胃經本病右關脈緩而弱乃脾胃之本脈若見弦緊或四肢滿閉淋洩便難轉筋此肝之脾胃病也若兼洪大或肌熱煩熱面赤此心之脾胃病也若兼浮澁或氣短喘急咳嗽痰盛此肺之脾胃病也若兼沉細或善恐善欠此腎之脾胃病也各當於本經藥中加兼症之藥此東垣先生之治法也

附治驗方藥

一婦人停食飽悶或用人參養胃湯木香檳榔丸而泄瀉吐痰腹中成塊又與二陳黃連厚朴反加腹脹不食余以爲脾胃氣虛不能消磨用補中益氣加茯苓半夏五十餘劑脾胃健而諸症痊一婦人飲食每用碗許若稍加非大便不實必吞酸噯腐或用二陳黃連枳實反加內熱作嘔余曰此本虛寒中不信仍作火治虛症

言補婦人良方
悉至月經不止余用六君加炮薑木香數劑諸症漸退又以補中
益氣加炮薑木香茯苓半夏數劑全愈後因飲食勞倦兼以怒氣
飲食頓少元氣頓怯仍用前藥更加發熱脈洪大按之而虛兩尺
如無此命門火衰用補中益氣加薑桂及八味丸兼服兩月餘諸
症尋愈此症若因中氣虛弱用人參理中湯或六君子加木香炮
薑不應用左金丸或越鞠丸虛寒加附子理中湯無有不愈

一婦人飲食後或腹脹或吞酸自服枳朮丸飲食日少胸膈痞滿腿
內酸痛畏見風寒或用養胃湯腿痛浮腫益甚月經不行余以爲
鬱結所傷脾寒濕熱下注侵晨用四君芎歸二陳午後以前湯送
越鞠丸諸症漸愈又用歸脾八珍二湯兼服兩月餘而經行

一婦人胸膈少食或腹脹吞酸或經候不調此中氣虛而不能施化
也用補中益氣加砂仁香附煨薑而飲食進更以六君芎歸貝母

桔梗而經自調

一婦人年三十餘忽不進食日飲清茶水菓三年餘矣余謂脾氣鬱
結用歸脾湯加吳茱萸四劑遂飲食如常若人脾胃虛而不飲食
當以四神丸治之

一婦人不進飲食二年矣日飲清茶菓品之類肝脾二脉弦浮按之
微而結滯余謂肝脾氣鬱用六君木香吳茱萸下痰積甚多飲食頓
進形骸始瘦臥床月餘仍服六君之類而康

○越鞠丸 治鬱傷氣滯以致胸膈痞悶或肚腹膨脹或咽喉不清
或痰氣不爽或飲食少思或吞酸不腐宜用此藥清之若人脾胃
虛弱用六君子湯爲主大凡中氣虛弱變症百出難以名狀但用

四君補其脾胃元氣漸復諸症自退若用治病之藥則誤矣

香附

蒼朮炒

川芎

梔子炒

神麴炒

山查

各等分

右爲末用神麴糊丸棗豆大每服六七十九丸食遠白湯送下

○四君子湯

○六君子湯

○補中益氣湯

三方見二十四卷第六論

○八味丸

方見二十四卷第十一論

○人參養胃湯

方見七卷第六論

○二陳湯

○左金丸

方見七卷第十七論

○人參理中湯

○附子理中湯

二方見二十卷第六論

○歸脾湯

○八珍湯

二方見二十四卷第四論

○二神丸

○四神丸

二方見八卷第八論

○婦人夢與鬼交方論第八

人稟五行秀氣而生承五臟神氣而養若調理失節血氣虛衰則鬼邪于其正隱避而不欲見人時獨言笑或時悲泣是其候也脉息遲伏或如鳥啄或綿綿而來不知度數面顏不變亦其候也

愚按前症多由七情虧損心血神無所護而然也宜用安神定志等藥則正氣復而神自安若脉來乍大乍小乍短乍長亦爲鬼祟也宜灸鬼哭穴

灸云我自去矣

○茯神散

治妄有所見言語雜亂時或昏昧痰熱

茯神一兩半炒

人參

石菖蒲

各一錢

赤小豆

五分

右水煎服

○桃仁丸

治與鬼魅交通

丁補婦人良方

六卷

十一

辰砂研另

檳榔

當歸

桃仁各三錢

水銀一錢棗肉一箇研令星盡

麝香

阿魏麝香煨

沉香各半兩

右為末煉蜜丸桐子每服十九空心桃仁湯下

○辟瘟丹

虎頭骨二兩

硃砂

雄黃

雌黃

鬼白

皂莢

蕪荑仁

鬼箭羽

藜蘆各一兩

右為末煉蜜丸彈子大囊盛一九男左女右繫臂上及用一九當

病人戶前燒之一切邪鬼不敢近

○炒香散

治心氣不足精神恍惚夢與鬼交語言錯亂先服此以

補氣血鎮心安神然後以前方治之方見三卷第十三論

○婦人傷寒傷風方論第九

傷寒之症若氣口脈緊盛即下之人逆緊盛即汗之左關浮緊亦當

發汗若犯胃熱譫語喜忘小腹滿小便自利用抵當湯胃實譫語

用承氣湯脈緊無汗名傷寒脈緩有汗為傷風熱病脈洪大為中暑

用香薷飲脈細弱為中暈用白虎湯胃實用承氣湯傷寒先服黃龍

湯不分男女但妊娠用藥宜清涼不可輕用桂枝半夏桃仁朴硝等

類凡用藥病稍退則止不可盡劑此為大法

愚按前症當宗仲景先生治法但胎前產後須以安胎補益為王

須臨症審之

黃龍湯即小柴胡湯去半夏

○桂枝紅花湯 治傷寒發熱口燥舌乾經脈不來

桂枝

芍藥

甘草炒各一錢

紅花二錢

言補婦人良方 六卷 一三

右薑棗水煎服良久再進當作汗出可解

○黃芩芍藥湯 治婦人內熱口燥咽乾腹滿不食

黃芩炒 芍藥酒炒 白朮 熟地黃自製各一錢

右水煎寒加生薑

○當歸湯 治傷寒喘急煩燥或戰而作寒此陰陽俱虛不可下宜服此藥

柴胡錢一 白朮炒七分 人參 甘草炒 赤芍藥

當歸各五分 五味子炒 木通各三分 ●用水薑棗煎

○瀉心三黃湯 治傷寒六七日內有燥屎大便秘結譫語目赤毒氣閉塞

大黃煨 黃芩炒 黃連炒各一錢

右水煎服取微利如日赤睛疼加赤茯苓竹葉

○燒視散 治女子病新瘥與男子交者名曰陰易其証則裡急勝

痛頭重不舉口中生花或頭面烘熱耳中蟬鳴胸中煩悶甚者百節解散用男子舊視襠着左腹者剪取一塊燒灰每日三服白湯下男子病則以女人者如不應用參附湯

○婦人熱入血室方論第十

婦人傷寒傷風發熱經水適來晝則安靜暮則譫語有如瘧狀此為熱入血室治者無犯胃氣及上二焦宜服小柴胡湯若脈遲身涼當刺期門穴下針病人五吸停針良久徐徐出針凡針期門穴必瀉勿補肥人二寸瘦人寸半也

愚按前症若因勞役或怒氣發熱適遇經行而患前症者亦用小

柴胡加生地黄治之血虛用四物加柴胡若病既愈而熱未已或元氣素弱並用補中益氣湯脾氣素鬱用濟生歸脾湯血氣素虛用十全大補湯

附治驗

婦人經行感冒風邪晝則安靜夜則譫語此熱入血室也用小柴胡加生地黄治之頓安但內熱頭暈用補中益氣加蔓荊子而愈後因怒惱寒熱譫語胸脇脹痛小便頻數月經先期此肝火血熱妄行用加味道遙加生地黄而愈

一婦人因怒寒熱頭痛譫言妄語至夜益甚月經暴至此怒動肝火用加味道遙散加生地黄治之神思頓清又用補中益氣湯而痊
一婦人經行感冒譫語或用發散寒涼之劑前症益甚月經不止肚腹作痛嘔吐不食痰涎自出此熱入血室而寒復傷胃也用香砂六君及歸脾而痊

乾薑柴胡湯 治婦人傷寒經脈方來熱入血室寒熱如瘧或狂言見鬼

柴胡錢一 桂枝三分 蔓根五分 牡蠣煨 乾薑炮 甘草炒各三分

右水煎汗出而愈

○海蛤散 治婦人傷寒血結胸膈空服此藥及針期門穴

海蛤 滑石煨水 甘草各二分 芒硝兩一

右爲末每服二錢用鷄子清調下小腸通利其結血自散更用桂枝紅花湯發其汗則愈方見前

附方

○小柴胡湯

方見二十四卷第二論

○四物湯

○香礞六君子湯

○補中益氣湯

三方見二十四卷第六論

○歸脾湯

○十全大補湯

○加味道遙散

三方見二十四卷第四論

○婦人咳嗽方論第十一

夫肺為四臟之華蓋內統諸經之氣外司腠理皮毛若外邪入於肺
中故令咳嗽當以脉息辨之浮而弦者起於風濡而弱者起於濕洪
而數者起於熱遲而澀者起於寒風者散之濕者燥之熱者涼之寒
者溫之虛者補之

愚按丹溪云春是木氣上升夏是火氣炎上秋是濕熱傷肺冬是
風寒外來當發散行痰開鬱理用二陳湯加麻黃桔梗杏仁痰飲

隨症加藥勞嗽宜四物加竹瀝薑汁乾咳嗽難治此症乃痰鬱火
邪也用苦梗開之夏用補陰降火不巳則成勞上半日多嗽者胃
火也用貝母石膏午後嗽者陰虛也用四物加炒黑黃柏知母黃
昏嗽者火氣浮於肺也用五味子五倍子五更嗽者飲食之火流
於肺也以貝母軟石膏肺脹而嗽或左或右不得眠此痰挾瘀血
氣滯而病宜養血疎肝清痰用四物加桃仁訶子青皮竹瀝之類
嗽而脇下痛宜疎肝氣以青皮挾痰實者白芥子之類血礙氣作
嗽者桃仁大黃薑汁九服治嗽多用生薑以其辛散故也痰因火
動逆上作嗽者先治火次治痰以知母止嗽清肺滋陰降火夜嗽
用清陰分之劑若嗽多用粟殼不必疑但要去病根此乃收後藥
也竊謂前症午前嗽屬胃火盛用竹葉石膏湯胃氣虛用補中益

氣加炒山梔午後嗽屬陰血虛用四物黃栢知母二味酒拌炒黑腎水虛用六味地黄丸黃昏嗽用四物五味麥門弁前丸五更嗽用六君子不得眠及兩脇下痛用六味地黄補中益氣若因氣虛腠理不密六淫所浸當祛外邪而實肝土若因心火太過當伐肝木而滋肺金若因肺金氣虛當補脾上而生肺氣若因腎水虧損虛火炎上當補肺腎以滋化源大抵風邪胃火此實熱為患易治惟肺腎虧損此真臟為患最難調治

附治驗

一婦人素勤苦冬初咳嗽發熱吐血盜汗遍身作痛或寒熱往來用化痰降火之藥口噤筋攣此血本虛而藥復損之耳余用八味丸為主佐以補中益氣麥門五味山藥年餘而痊

一婦人咳嗽發熱嘔吐痰涎日夜約五六碗喘咳胸痞燥渴不食崩血如湧此脾土虛寒用八味丸及附子理中湯而愈全見女科撮要

一婦人不得於始患嗽胸膈不利飲食無利此脾肺俱傷痰鬱於中也先用歸脾湯加山梔撫芎貝母桔梗諸症漸愈後以六君加芎歸桔梗間服全愈

一婦人咳嗽早間吐痰甚多夜間喘急不寐余謂早間多痰乃脾虛飲食所化夜間喘急乃肺虛陰火上衝用補中益氣加麥門五味而愈

一婦人患咳嗽脇痛發熱日晡益甚余曰此肝脾虛熱而傷肺也用加味道遙散加熟地治之而愈後因怒氣勞後前症仍作兼太陽痛或寒熱往來或咳嗽遺尿此肺氣虛而尿脬失制也仍用前散

及地黄丸而瘥

一婦人久咳嗽面色痿黃或時眊白肢體倦怠飲食少思稍多則瀉此脾上虛而不能生肺金朝用補中益氣湯夕用六君子湯為主間佐以八珍湯三月餘漸愈後感寒邪喘嗽胸腹作脹飲食不入四肢逆冷此中氣尚虛不能充皮毛肥腠理司開闔之所致也遂用六君加生薑桔梗而愈

附方

○法製清氣化痰丸 順氣快脾化痰消食

半夏

南星

去皮尖

白礬

皂角

乾薑

各四兩

右先將白礬等三味用水五碗煎取水三碗却入半夏二味浸二日再煮至半夏南星無白點為度曬乾

陳皮

青皮

紫蘇子

蘿蔔子

炒另研

杏仁

去皮尖炒研

葛根

神麩

炒

麥蘗

山查子

香附子

右為末蒸餅丸桐子大每服五七十九丸臨臥茶湯任下

○茯苓湯 治胸中有痰飲吐水心胸虛滿不能進食

茯苓

人參

白朮

炒各三兩

枳實

炒二兩

桔皮

二兩半

生薑

四兩

右用水六升煮取二升分三服

○加減小柴胡湯 治咳嗽寒熱往來

柴胡

半夏

黃芩

炒各一錢

甘草

炒

乾薑

泡各五分

五味子 炒 三分 ●用水煎服

○黃連解毒湯 治一切實火喘咳脉洪大或狂言煩躁口乾飲冷

喘急鄭聲目睛赤痛

黃連

黃芩

梔子

黃柏

各二錢

●用水煎服

○梔子仁湯

治喘咳發熱潮熱發狂煩躁面赤咽痛

梔子仁

赤芍藥

大青

知母

各一錢

升麻

黃芩

石膏

甘草

杏仁

各二錢

柴胡

二錢半

豆豉

百粒

●用水煎服

○麥門冬湯

治火熱乘肺咳嗽有血胸脇脹滿五心煩熱

麥門冬

桑白皮

生地黄

各一錢

半夏

紫花

桔梗

淡竹葉

麻黃

各一分

五味子

杵

甘草

各五分

右薑水煎服

○二陳湯

方見二十四卷第六論

○竹葉石膏湯

方見十三卷第十論

○補中益氣湯

○四物湯

○六君子湯

三方見二十四卷第六論

○六味丸

○八味丸

二方見二十四卷第十一論

○附子理中湯

方見二十卷第八論

○歸脾湯

○加味逍遙散

○八珍湯

三方見二十四卷第四論

○咳嗽用溫藥方論第十二

初虞世

經曰微寒為嗽寒甚為腸澼古人立方多用乾薑桂心細辛之屬若熱在上焦而嗽虛則為肺痿實則為肺癰或因氣血不足或因酒色厚味或因重亡津液燥氣焚金故脈數發熱咳嗽膿血宜辛溫建中之屬若用柴胡驚甲門冬葶藶等藥則誤矣

愚按丹溪云陰分嗽者多屬陰虛肺脹不得眠者難治肺痿專主補氣養血清金肺氣有餘者宜瀉之以桑白皮為主半夏茯苓佐

飲

之瀉其有餘補其不足肺燥者當潤之屬熱者桔梗大力子知母
 鷄子清聲啞者屬寒細辛半夏生薑肺虛者人參膏阿膠為主陰
 不足者六味地黃為要藥或知母茯苓湯陰虛氣喘四物加陳皮
 甘草以降其氣補其陰竊謂前症嗽而鼻塞聲重風邪傷肺也用
 參蘇飲面赤喘嗽火尅肺也人參平肺散寒熱交作肝氣不和也
 四君加知母柴胡桔梗咳喘短氣肺虛也人參補肺湯體倦少食
 脾虛也參朮補脾湯口乾咽燥虛火上炎也六味丸大凡發熱喘
 嗽或咳唾膿血飲食不入急補脾肺滋腎水多有得生者脉浮大
 而面色赤者皆難治脉浮短濇者可療

○參蘇散 治外感風寒咳嗽氣逆血蘊上焦發熱氣促或咳血胸
 血或痰嗽不止加黃芩山梔名加味參蘇飲

人參

紫蘇葉去梗

半夏

姜汁拌炒

茯苓

陳皮

桔梗

葛根

前胡

枳殼

麩炒各錢一

甘草

錢五分

右薑水煎服

○金沸草散 治脚經受風頭目昏疼咳嗽聲重涕唾稠粘

荆芥穗錢一

前胡

麻黃

旋覆花

各七分

甘草

赤芍藥

半夏

各五分

●用薑棗水煎服

○定喘湯 治痰喘胸滿坐臥不安聲重鼻塞頭昏

半夏麩炒

明阿膠炒

甘草

炒各五分

襲粟殼一錢製

五味子炒

桑白皮炒

麻黃

去節

人參

各三分

右薑三片烏梅半箇水煎臨臥服

○金不換正氣散 治肺胃虛弱咳嗽不已喘滿延盛

蔓粟殼一錢 杏仁製 甘草 枳殼各五分

右生薑烏梅水煎

○錄驗橘皮湯 治肺傷冷濕咳嗽喉中作聲上氣頭痛

陳皮 紫菀 麻黃去根 杏仁製 當歸各一錢 桂心

甘草炒 黃芩各五分 ●用水煎服

○華蓋散 治肺感寒邪咳嗽聲重胸膈煩滿頭目昏眩

蘇子炒 陳皮 赤茯苓 桑白皮炒 麻黃各一錢

甘草分五 用薑水煎服

○千金五味子湯 治咳嗽皮膚乾燥唾中有血胸脇疼痛

五味子柱 桔梗炒 紫菀 甘草炒 續斷各一錢

竹茹三錢 赤小豆一錢 生地黃 桑白皮各半兩

右水煎服

○知母茯苓湯 治咳嗽不已往來寒熱自汗喘促或肺痿

知母 茯苓各一兩 五味子柱 人參 薄芎

半夏 柴胡 白朮 款花 桔梗

麥門冬去心 黃芩半兩 川芎 阿膠 甘草各三錢

右每服一兩姜水煎

○小青龍湯 治肺感寒咳嗽喘息加杏仁煎有汗去麻黃細辛發

熱頭疼脈沉細或嘔或欬或利或噎或小便不利小腹滿脹喘嗽

之聖藥

○瀉白散 ○桔梗湯 ○人參平肺散 ○人參補肺湯

○參朮補脾湯 五方見二十四卷第十一論

行補婦人製方

六卷

二

○六味丸

方見二十四卷第十一論

○四物湯

○四君子湯

二方見二十四卷第六論

○勞嗽方論第十三

經曰感於寒微則為咳甚則為泄蓋肺主氣合於皮毛邪傷皮毛則咳為肺病傳於各臟以時受邪肺為嫩臟邪易傷而難治其嗽有肺心脾腎肝風寒支飲膽之十種亦有勞嗽者華陀謂之邪嗽孫真人謂之注嗽此因酒色過度勞傷肺經重者咯唾膿血輕者時發時瘥或先嘔血而後嗽或先咳嗽而吐血此又挾邪傳壅孫真人用通氣丸夢與鬼交用四蒲丸蛤蚧天靈蓋桃柳枝安息香之類若肺中有蟲入喉痒嗽須以藥含化其蟲即死嗽即止

愚按仲景先生云咳而兩脇痛不能轉側兩胛滿屬於肝臟用小柴胡湯咳而嘔苦水屬膽腑黃芩半夏生薑湯咳而喉中如梗狀甚則咽腫喉閉屬心臟桔梗湯咳而大便失氣屬小腸肺石藥甘草湯咳而右臑痛陰引肩背甚則不可動動則咳劇屬脾臟升麻湯咳而嘔嘔甚則出長蟲屬胃腑烏梅丸咳而喘息有聲甚則唾血屬肺臟升麻湯咳而失尿屬大腸肺麻黃附子細辛湯咳而遺溺屬膀胱茯苓半夏湯咳而不止三焦受之其狀腹滿不食涕唾面目浮腫氣逆異功散用之對証其效如神仍參五卷看

附治驗

一婦人患前証肺熱內熱寒熱往來作渴盜汗小便頻數其經兩三月一行此肝脾氣血虛損用八珍湯六味丸各六十餘劑諸症漸愈其經兩月一行仍用前二藥間以加味道遙散各三十餘劑後

言不效... 志怒適經行去血過多諸症悉至飲食少思腹脹氣促用十全大補湯數劑漸愈仍用前藥調補漸愈復因喪子胸腹不利食少內熱盜汗便血無寐用加味歸脾湯仍兼前藥而愈

一婦人患前症不時發熱或時寒熱或用清熱之劑其熱益甚盜汗口乾兩足如炙遍身皆熱昏憤如醉良久熱止方甦或脯熱至旦方止此陰血虛而陽氣弱也余朝用六味丸料夕用十全大補湯月餘諸症稍愈更兼以補中益氣湯兩月餘而愈

○深師四蒲丸

治上氣嗽飲燥嗽冷嗽邪嗽謂之五嗽

乾薑

炮

桂心

躑躅花

芎藭

紫苑

各二兩

芫花根皮

二分

蜈蚣

一枚去頭足炙

細辛

甘草

炙

鬼督郵

人參

半夏

各一兩

右為末煉蜜丸大豆許每服五丸米飲下日三服未應加至七丸

○溫金散

治勞嗽喘悶咯痰中有血

方見前勞瘵類

○阿膠丸

治勞嗽并嗽血咯血

方見前勞瘵類下補遺

○團魚丸

治骨蒸勞嗽累効

貝母

前胡

知母

杏仁

柴胡

各等分

生團魚

二箇

右藥與魚同煮熟取肉連汁食之將藥焙乾為末用骨更煮汁一盞和藥丸梧子大每服二十九丸煎黃芪六一湯空心送下病既安仍服黃芪六一湯調理

附方

○地骨皮散

補精入骨

九卷

三十一

知母炒

柴胡

甘草炒

人參

地骨皮

茯苓

半夏姜製各一錢

●用姜水煎服

○海藏紫苑散

治咳中有血虛勞肺痿

人參

紫苑

知母炒

貝母

桔梗炒

茯苓

阿膠炒各一錢

五味子杵三分

甘草炙五分

●用姜水煎服

○參朮調中湯

瀉熱補氣止嗽定喘和脾胃進飲食

黃芪四分

桑白皮五分

人參

炙甘草

青皮

白茯苓各三分

五味子杵五分

白朮三分

地骨皮

麥門冬

陳皮各五分

●用水煎服

○二陳湯

治脾胃虛弱中脘停痰或嘔吐惡心或頭目不清飲食

少思

方見二十四卷第五論

○異功散

方見二十四卷第五論

○六味丸

方見二十四卷第十一論

○八珍湯

○柳味道遙散

○十全大補湯

○加味歸脾散

方見二十四卷第四論

○補中益氣湯

方見二十四卷第六論

○喘滿方論第十四

岐伯曰夜行則喘出於腎淫氣病肺有所墮恐喘出於肝淫氣害脾有所驚恐喘出於肺淫氣傷心度水跌仆喘出於腎與骨皆因外邪所感而致太陽病則脈浮無汗而喘用麻黃湯陽明病則汗出腹滿喘而潮熱承氣湯表邪未解喘促汗出葛根黃芩湯微喘桂枝厚朴杏仁湯汗出而喘麻黃杏子甘草石膏湯表邪未解小青龍湯去麻

黃加杏仁感寒伏熱而喘九寶湯氣鬱痰盛喘促四七湯涎多而喘
千縉湯不得臥而喘神秘湯寒熱喘咳棗膏丸上氣喘促神授湯上
盛下弱吞黑錫丹若四肢逆冷脉息沉細或寸大尺小胸脹冷汗大
便頻數上氣喘促此虛極挾寒之陰症急用返陰丹

愚按東垣云肺金受邪由脾胃虛弱不能生肺乃所生受病故咳
嗽氣短氣上皮毛不能禦寒精神少而渴情憐不樂皆陽氣不足
陰氣有餘也治法若肺氣虛弱用四君枳殼半夏脾虛不能生肺
補中益氣湯七情氣結四七湯脾經鬱結歸脾湯脾氣虛弱人參
補肺散肺經虛盛人參平肺散腎水敗濁六味丸真陽虛損八味
丸或兼小便不利爲害尤速非二丸不能救仍與前十一十二論
互用

治驗

一婦人傷風寒作喘或用表散愈而復患仍用前藥其症益甚飲食
少思胸腹不利此因脾肺氣虛也予先用六君子湯加桔梗漸愈
又用補中益氣湯全愈
一婦人患前症屬命門火虛不能生脾土用補中益氣湯八味地黃
丸而痊後復患其喘益甚用前藥不應遂用黑錫丹二服喘止仍
用前二藥而諸症痊是屬邪氣有餘者其症易識治効亦速其屬
元氣不足者變症不一効非可以旦夕期也

○神秘湯 治水氣乘肺作喘或支飲喘蒲痰嗽不食

陳皮去白 紫蘇葉 人參 桑白皮 生薑各一錢

右水煎服

○千緡湯

半夏七枚 炮製 皂角去皮尖 弦一寸 甘草炙 一分 生薑如指 大

右薑水煎服

○棗膏丸

治息賁在右脇下大如杯令人麗浙寒熱喘咳

甜葶藶研炒 陳皮 苦梗各等分

右為末煮棗肉丸桐子大每服數丸白湯下

許學士云余常停飲水積食已必噎漸喘覺肺系急服此

○神授湯

治止氣喘急不得臥

桔紅 苦梗 紫蘇 人參各一錢 五味子梀炒 三分

右薑水煎服

○九寶湯

治伏熱咳嗽喘急虛勞自汗者不可服

薄荷 紫蘇 大腹皮洗 甘草炒 杏仁去皮尖

陳皮各一錢 ●用姜十片烏梅一箇水煎

○四磨湯

治七情鬱結上氣喘急滿悶痰涎上湧

人參 檳榔 沉香 烏藥

右四味各濃磨白沸湯少許溫服

○五味子湯

治咳嗽皮膚乾燥唾中有血胸脇疼痛

五味子梀 桔梗炒 紫苑 甘草炒各五分 竹茹一錢 續斷五錢

赤小豆撮 生地黄二錢 桑白皮二錢 右水煎服

附方

○六君子湯

○四君子湯

○補中益氣湯

三方見二十四卷第六論

○四七湯

方見十一卷第七論

○歸脾湯

方見二十四卷第四論

○人參補脾散

○人參平肺散

二方見二十四卷第六論

○六味丸

○八味丸

二方見二十四卷第十一論

○黑錫丹

方見四卷第四論

○婦人風痰積飲嗽咳方論第十五

婦人脾胃虛弱風邪外侵以致痰滯咳嗽眼昏頭眩經云九竅不利腸胃之所生也無擇云凡屬風熱三生飲化痰丸屬寒冷金沸草散屬暑熱消暑丸屬氣鬱四七湯在上瓜蒂散吐之在下控涎丹利之仍觀人之勇怯脈之虛實

愚按前症若肝經恚怒用小柴胡湯肝經風熱用釣藤散肝腎氣虛用川芎散脾經鬱結用濟生歸脾湯鬱怒傷肝脾用加味道遙

散脾虛痰逆用白朮半夏天麻湯脾氣虛弱用六君子益氣湯肺氣鬱滯用二陳貝母桔梗陰虧水泛六味地黃腎虛陰火加減八味丸腎虛火不歸源八味地黃丸仍與前按互相用之

附治驗

一婦人內熱口乾勞則頭暈吐痰帶下或用化痰理氣藥前症益盛肢體或麻又用祛風化痰藥肢體常麻手足或冷或熱此脾土不能生肺金也余用補中益氣加茯苓半夏炮薑二十餘劑漸愈又用加味道遙散三十餘劑全愈後因怒吐痰胸痞或用清氣化痰丸食少痰甚胸脇脹滿脈或浮大或微細余以六君倍用參朮少加木香而康

一婦人咳嗽脇痛或用清肺化痰降火等劑久不愈更加內熱瞞熱

若兩脇或小腹內熱其咳益甚小便自遺余曰此屬肝經血虛火動用六味丸加五味子滋腎水以生肝血用補中益氣生脾土以滋肺金而尋愈

○旋覆花湯 治風痰嘔逆飲食不下頭目昏悶等症

旋覆花

枇杷葉

川芎

細辛

赤茯苓各一錢

前胡一錢五分

●用水薑棗煎

○大半夏湯

治痰飲脾胃不和咳嗽嘔吐飲食不入

半夏

白茯苓

生薑各二錢

右薑水煎服胃痞加陳皮如不應四七湯亦善

○導痰湯

治痰涎壅盛胸膈痞塞或咳嗽惡心飲食少思

半夏二錢

南星

枳實炒

茯苓

桔紅各一錢

甘草五錢

右薑十片水煎

附方

○川芎散 治肝腎氣虛頭風眩暈

小川芎

山藥

白茯苓

甘菊花

人參各五錢

山茱萸肉一兩

右每服一兩食前空心水煎服或爲末酒調日三服

○小柴胡湯

方見二十四卷第二論

○釣藤散

方見四卷第四論

○歸脾湯

○加味道遙散 二方見二十四卷第五論

○白朮半夏天麻湯

方見四卷第五論

○六君子湯

○補中益氣湯 二方見二十四卷第六論

○二陳湯 方見二十四卷第五論

○六味丸 ○加減八味丸 ○八味丸 三方見二十四卷第十一論

○婦人心胃嘈雜方論第十六

婦人嘈雜此脾胃鬱火痰滯血液淚汗而成用猪血炒食之乃以血導血而使之歸源爾旋覆花湯尤善

一作曹

愚按前症若因食鬱用六君山查山梔若因胃熱用二陳湯炒芩連若因六鬱用越鞠丸若因氣滯用四七湯桔梗枳殼大抵此症屬病氣元氣俱不足須用六君為主少佐以治痰之藥若以火治之必變吞酸中滿

附治驗

一婦人飲食少思胸中嘈雜頭暈吐痰此中氣虛而有熱用六君子

湯加炒黑山梔桔梗而愈後因勞碌頭暈發熱吐痰不食用補中益氣加半夏茯苓天麻而痊

一婦人中脘嘈雜口中辛辣或咳嗽吐痰發喘面色或白或赤此脾氣虛而肺中伏火也用六君子加山梔桔梗柴胡及炒黑片苓治之尋愈

一婦人嘈雜吞酸飲食少思大便不實此脾氣虛寒而下陷用補中益氣湯加茯苓半夏炮薑漸愈又常服人參理中丸則安

一婦人飲食後嘈雜吞酸此食鬱為痰用六君子湯送越鞠丸漸愈又用加味歸脾湯而痊後因怒兩脇脹痛中脘作酸用四君湯送左金丸漸安仍用六君子湯送越鞠丸而痊

○旋覆花湯 治脾胃虛寒中脘停痰汪洋嘈雜腸鳴多睡嘔吐不

食脇肋脹痛脈沉遲弦細

旋覆花

細辛

桔紅

桂心

人參

甘草炒

苦梗

白芍藥

半夏

五分

赤茯苓

各三分

右薑水煎服

余治婦人心胸嘈雜用茯苓補心湯治之而愈

方見前

附方

補中益氣湯

○四君子湯

○六君子湯

三方見二十四卷第六論

○二陳湯

方見二十四卷第五論

○越鞠丸

方見前第七論

○四七湯

方見十卷第七論

○歸脾湯

方見二十四卷第四論

○人參理中湯

方見二十卷第八論

六卷



